

禪月集序

翰林學士中書舍人上柱國賜紫金魚袋吳融述  
夫詩之作善善則頌美之惡惡則風刺之苟不能  
本此二道雖甚美猶土木偶不至於血氣何所尚  
哉自風雅之道息爲五七字詩者皆率拘以句度  
屬對焉既有所拘則演情敘事不盡矣且歌與詩  
其道一也然詩之所拘悉無之足得放意取非常  
語非常意又盡則爲善矣國朝能爲歌爲詩者不



少獨李太白爲稱首蓋氣骨高舉不失頌美風刺之道焉厥後白樂天諷諫五十篇亦一時之奇逸極言昔張爲作詩圖五層以白氏爲廣德大教化主不錯矣至後李長吉以降皆以刻削峭拔飛動文彩爲第一流有下筆不在洞房蛾眉神仙詭怪之間則擲之不顧邇來相敦學者靡曼浸淫困不知變嗚呼亦風俗使然也然君子萌一意出一言亦當有益於事矧極思屬詞得不動關於教化沙

門貫休本江南人幼得苦空理落髮於東陽金華山機神穎秀雅善歌詩晚歲止於荆門龍興寺余謫官南行因造其室每談論未嘗不了於理性自且而往日入忘歸邈然浩然使我不知放逐之感此外商確二雅酬唱循還越三日不相往來恨疎矣如此者凡朞有半上人之作多以理勝復能創新意其語往往得景物於混茫自然之際然其指歸必合於道太白白樂天旣沒可嗣其美者非上

人而誰丙辰余蒙恩詔歸與上人別袖出歌詩艸  
一本曰西岳集以爲贖矣切慮將來作者或未深  
知故題序於卷之首時己未歲嘉平月之三日

禪月集序

終

梁成都府東禪院貫休傳

處默曇域

釋貫休字德隱俗姓姜氏金華蘭谿登高人也七  
歲父母雅愛之投本縣和安寺圓貞禪師出家爲  
童侍日誦法華經一千字耳所暫聞不忘於心與  
處默同削染鄰院而居每隔籬論詩互吟尋偶對  
僧有見之皆驚異焉受具之後詩名聳動於時乃  
往豫章傳法華經起信論皆精奧義講訓且勤本  
郡太守王慥彌相篤重次太守蔣瓌開洗懺戒壇

命休爲監壇焉乾寧初齋志謁吳越武肅王錢氏  
因獻詩五章章八句甚愜旨遺贈亦豐王立去僞  
功朝廷旌爲功臣乃別樹堂立碑記同力平越將  
校姓名遂刊休詩于碑陰見重如此休善小筆得  
六法長於水墨形似之狀可觀受衆安橋強氏藥  
肆請出羅漢一堂云每畫一尊必祈夢得應真貌  
方成之與常體不同自此遊黔歛與唐安寺蘭閣  
黎道合後思登南嶽北謁荆帥成汭初甚禮焉於

龍興寺安置時內翰吳融謫官相遇往來論道論  
詩融爲休作集序則乾寧三年也尋被誣譖於荆  
帥黜休于功安鬱悒中題硯子曰入匣始身安弟  
子勸師入蜀時王氏將圖僭僞邀四方賢士得休  
甚喜盛被禮遇賜賚隆洽署號禪月大師蜀主常  
呼爲得得來和尚時韋藹舉其美號所長者歌吟  
諷刺微隱存于教化體調不下二李白賀也至梁  
乾化二年終于所居春秋八十一蜀主慘怛一皆

官堊塔號白蓮于成都北門外昇遷爲浮圖乃僞  
蜀乾德中卽梁乾化三年癸酉歲也休能草聖出  
弟子曇域癸酉年集師文集首安吳內翰序域爲  
後序韋莊嘗贈詩曰豈是爲窮常見隔只應嫌酒  
不相過又廣成先生杜光庭相善比鄉人也休書  
跡好事者傳號曰姜體是也嘗覩休真相肥而矧  
蜀宰相王錯作讚曇域戒學精微篆文雄健重集  
許慎說文見行於蜀有詩集亞師之體也

禪月集目錄

卷第一

樂府古題雜言三十首

善哉行

讀離騷經

陽春曲

白雪曲

上留田

胡無人

野田黃雀行

臨高臺

杞梁妻

蒿里曲

夜夜曲

行路難

擬古別離

戰城南二首

少年行三首

夢遊仙四首

輕薄篇二首

長安道

洛陽塵

富貴曲二首

卷第二

古風雜言二十首

古意九首

一雨火雲盡

陽烏爍萬物

美人如遊龍

乾坤有清氣

莫輕白雲白

古交如真金

常思謝康樂

常思李太白

憶在山中時

酷吏詞

選舉人歌行卷

陳宮詞

擬齊梁酬所知見贈二首

經古戰場

村行遇獵

漁家

田家作

江邊祠

苦熱寄赤松道者

偶作二首

春晚書山家屋壁二首

春晚閒居寄陳嵩伯

長持經僧

茫茫曲

古鏡詞上劉侍郎

送姜道士歸南岳  
了仙謠

卷第三

古風雜言三十首

循吏曲上王使君

古鏡詞

懷張爲周朴

題弘顓三藏院

古意代友人投所知



聞知已入翰林

上裴大夫二首

上劉商州

閒居擬齊梁四首

夜雨山艸滋

果熟無低枝

紅藕映嘉魴

清氣生滄洲

塞上曲二首

擬齊梁體寄馮使君三首

庭鳥多好音

露益蟬聲長

大道貴無心

書匡山老僧菴

讀顧況歌行

冬末病中作二首

遇葉進士

寄杜使君

寄高員外

書陳處士屋壁二首

對月作

山茶花

上孫使君

卷第四

古風雜言三十首

行路難四首

泊秋江

嘲商客

寄王滌

上馮使君五首

擬君子有所思二首

古塞下曲四首

鼓腹曲

經曠禪師院

邊上作三首

送張拾遺赴施州司戶

書倪氏屋壁三首

續姚梁公坐右銘

上盧少卿覓千文

謝盧少卿惠千文

卷第五

古風雜言二十二首

大蜀皇帝壽春節進堯銘舜頌二首  
大蜀高祖潛龍日獻陳情偈頌

寄大願和尚

上顧大夫

寒月送玄士入天台

上杜使君

送僧入馬頭山

上盧使君

送顥雅禪師

和楊使君遊赤松山

送崔使君

杜侯行

偶作五首

山中作

聞前王使君在澤潞居

將入匡山別芳書二公二首

卷第六

古風雜言二十首

送楊秀才

別杜將軍

送夢上人歸京

問岳禪師疾

上荆南府主三讓德政碑

施萬病丸

甘雨應祈

寄韓團練

春野作五首

深山逢老僧二首

道情偈

懷二三朝友

偶作

義士行

觀懷素艸書歌

送盧舍人三首

宿深村

黃鸞

送越將歸會稽

別仙客

寒江上望

讀唐史

樵叟

國家圖書館 NATIONAL CENTRAL LIBRARY, TAIWAN, R.O.C.

卷第七 五言律詩三十一首

春山行

送諫官南遷

懷香爐峰道人

觀李翰林真二首

晚泊湘江作

淮上逢故人

讀杜工部集二首

題簡禪師院

讀劉得仁賈島集二首

天台老僧一首

經費隱君舊宅

秋末懷舊山

春過鄱陽湖

寄僧野和尚

寄馮使君

國家圖書館 NATIONAL CENTRAL LIBRARY TAIWAN, R.O.C.

寄紫閣隱者

寄天台道友

旅中懷孫路

貽世

覽李秀才卷

懷方干張爲

四皓圖

懷白閣道侶

讀孟郊集

懷四明亮公

秋過錢塘江

上俞許二判官

懷劉得仁

卷第八

五言律詩三十一首

歸故林後寄二三知己

春寄西山陳陶

秋末江行

送人歸新羅

思匡山賈匡

偶作

贈方干

漁父

題友人山居

寄宋使君

懷武夷紅石子二首

送人征蠻

懷周朴張爲

寄令狐郎中

鄱陽道中作

歸故林別知己

送僧遊天台

詠竹根斲子



硯瓦

水壺子

筆

碁

夜對雪作寄友生

題惠琮律師院

寄清泠山道人

秋盡途中作

秋居寄王相公三首

讀玄宗幸蜀記

卷第九 五言律詩三十二首

聞徵四處士

送友人下第遊邊

寄匡山紀公

聞無相道人順世五首

苦熱

鄂渚贈祥公

懷武昌棲一二首

寒食郊外

送道士歸天台

經孟浩然鹿門舊居二首

春送禪師歸閩中

途中逢周朴

避寇山中作

避寇上唐臺山

題擇詞律師院

上馮使君渡水僧障子

秋夜翫月懷玉霄道士

上杭州令狐使君

懷諸葛珏二首

懷錢唐羅隱章魯封

送沈侍郎

題宿禪師院

秋晚泊石頭驛有寄

別盧使君

秋夜吟

卷第十

五言律詩三十一首

桐江閒居作十二首

寄馮使君

經棲白舊院二首

贈李祐道人

贈景和尚院

上宋使君

離亂後寄九峰和尚二首

送王賓于赴舉

題靈溪暢公

送高九經赴舉

東西二林寺流水

送王貞白重試東歸

早秋卽事寄馮使君

贈景和尚院

寄西湖胡汾

題師穎和尚院

遊雲頂山晚望

劉相公見訪

卷第十一

五言律詩三十二首

寄赤松舒道士二首

鄂渚逢楊贊禹

別性空禪師

送胡處士

寄瀾公二首

寄棲一上人

送僧之湖南

秋末寄張侍郎

古塞曲三首

古塞下曲七首

古塞上曲七首

古出塞曲三首

聞赤松舒道士下世

贈抱麻劉舍人

卷第十二

五言律詩三十一首

夜寒寄盧給事二首

送葉蒙赴舉

聞王慥常侍卒三首

秋晚野步

聞大願和尚順世三首

聞葉蒙及第

送僧之靈夏

書無相道人菴

明進士北齋避暑

晚春寄吳融于競二侍郎

喜不思上人來

秋懷赤松道士

送劉逖赴閩辟

苦雨中作

送僧歸日本

贈信安鄭道人

送吏部劉相公除東川

送智光禪伯

夜對雪寄杜使君

送王穀及第後歸江西

送盧瞻罷廬陵幕歸閩鄉

避寇白沙驛作

聞李頻員外卒

江陵寄翰林韓偓學士

閒居作

和韋相公見示閒臥

卷第十三

五言律詩三十二首

寄山中伉禪師

秋寄栖一

懷匡山山長二首

懷高真動二首

秋末入匡山船行八首

送僧歸華山

送友人之嶺外

送盧舍人朝覲

上馮使君山水障子

送令狐煥赴闕

送吳融員外赴闕

送姚洎拾遺自江陵幕赴京

送僧入石霜

送僧歸南康

送陳秀才赴舉兼寄韓舍人

送友人及第後歸台州

晚春寄張侍郎

寄景判官兼思州葉使君

送盧秀才應舉

聞新蟬寄桂雍

寄懷楚和尚二首

和韋相公話婺州陳事

卷第十四

五言律詩三十二首

遇五天僧入五臺五首

經普化禪師影院

秋寄李頗使君二首

上東林和尚

江邊道士

送僧之湖外

懷謬獨一



送廬山納僧

寄西山胡汾吳樵

休糧僧

送杜使君朝覲

送人之嶺外

題弘式和尚院

湖頭別墅三首

三峽聞猿

聞知聞赴成都辟請

題淮南惠照寺律師院

秋末長興寺作

寄杭州靈隱寺宋震使君

送人歸夏口

送新羅僧歸本國

避寇入銀山

聞友人駕前及第

避地毗陵上王慥使君

送崔尚書朝覲

卷第十五

五言律詩三十首

寒夜有懷同志

寄新定桂雍

贈靈鷲山道潤禪師院

千霄亭晚望懷王祭侍郎

海邊見羅鄴

送僧之東都

送于兢補闕赴京

送鄭準赴舉

寄拄杖上王使君

秋望寄王使君

送祿有禪師與雷處士入武夷山

送友生入越投知己

寄烏龍山賈泰處士

題大安寺通禪師院

春晚寄盧使君

武昌縣與晝公兼寄邑宰

別東林僧

避地寄高蟾

懷武夷山禪師

秋未閑居作

贈許徵君

秋夜作因懷天台道者

偶作因懷大同道友

邊上行

江西再逢周璉

登鄱陽寺閣

秋晚野居

酬杜使君見寄

湖上作

送僧歸天台寺

卷第十六

五言律詩三十首

壽春節進

送僧之安南

送僧歸剡山

送僧入幽州

送僧遊五臺

送僧入五洩

題令宣和尚院

寄四明閻丘道士二首

經士馬中作

士馬後見赤松舒道士

題方公院寄夏侯明府

與劉象正字

懷智體道人

贈晦公禪人

寄靜林別墅胡進士兄弟

懷赤松故舒道士

偶作

春日許徵君見訪

經先主廟作

寄中條道者

夏日晚望

送僧歸山

覽皎然渠南鄉集

覽姚合極玄集

大駕西幸秋日聞雷

詩

秋末江上望

卷第十七

五言律詩二十五首

乞食僧

寒望九峰作

薊北寒月作

新猿

懷南岳隱士二首

追憶馮少常

聞閔廷言周璉下第

寄景地判官

讀賈區賈島集

送衲僧之江西

故林偶作

寄栖白友師二首

送人之渤海

寄李道士

秋送夏郢歸錢塘

送僧歸翠微

經友生墳

懷洛下盧縉雲

送李劬赴舉

寶禪師見訪

觀碁

題一上人經閣

和毛學士舍人早春

卷第十八

五言律詩二十四首

壽春進祝聖七首

千載降祥

文有武備

從諫如流

搜揚草澤

守在四夷

大興三教

山呼萬歲

早秋夜坐

早起

秋晚野步

晚望

寄翰林陸學士

贈造微禪師院

南海晚望

寄廬山大願和尚

懷薛尚書兼呈東陽王使君

上馮使君水晶數珠

送明覺大師兼寄鄭山人

廬山尋靈紀不遇

題曹溪祖師堂

懷匡山道侶

懷盧延讓

春晚訪鏡湖方干

秋過相思寺

卷第十九

七言律詩二十二首  
七言絕句詩八首



蜀王入大慈寺聽講

蜀王登福感寺塔三首

少監三首

再到鍾陵作

經弟妹墳

到蜀與鄭中丞相遇

別馮使君

上新定宋使君

和李判官見新榜爲兄下第  
送羅鄴赴許昌辟

附韋相公莊寄禪月大師

酬韋相公見寄

附張相公格寄禪月大師

酬張相公見寄

附王相公錯贈禪月大師

酬王相公見贈

附集賢周相公庠寄禪月大師

酬周相公見贈

道情偈三首

馬上作

道中逢乞食老僧

秋末寄武昌一公

陋巷

終南僧

卷第二十七

七言律詩二十二首  
七言絕句詩七首

大蜀皇帝潛龍日述聖德詩五首

陳情獻蜀皇帝

壽春節進大蜀皇帝五首

對雪寄新定馮使君二首

送劉相公朝覲二首

避寇游成福山院

別李常侍

送鄭閣赴閩辟

寄信州張使君

春末寄周璉

讀吳越春秋

春遊靈泉寺

歸東陽臨岐上杜使君七首

卷第二十一 七言律詩一十七首  
七言絕句詩十首

春

聞迎真身

灞陵戰叟

遇道者

贈鍾陵陳處士

懷鄰叟

贈軒轅先生

偶作因懷山中道侶

送新羅人及第歸

送新羅衲僧

春晚桐江上閑望作

商山道者

聞許棠及第因寄桂雍

澱江秋居作

上縉雲段使君

春末蘭溪道中作

野居偶作

再遊東林寺作五首

題蘭江言上人院二首

書石壁禪居屋壁

送人遊茅山

聽僧彈琴

卷第二十二

七言律詩一十二首  
七言絕句詩十一首

中秋十五夜月

鷺鷥有懷

東陽罹亂後懷王慥使君五首

秋夜懷嵩少因寄洛中舊知

避地毗陵寒君上孫徽使君兼寄東陽王使

君三首

秋末寄上桐江馮使君

禪師

道士

風琴

庭橘

落花

孤雲

苦吟

古戰處

偶然作

招友人宿

卷第二十三

七言律詩二十四首  
七言絕句詩三首

山居詩二十四首

再逢虛中道士三首

卷第二十四 七言律詩一十六首  
七言絕句詩十三首

上盧使君二首

陪馮使君遊六首

登干霄亭

遊靈泉院

過相思嶺

錦沙墩

釣罾潭

迎仙閣

賀雨上王使君二首

感懷寄盧給事二首

賀鄭使君

送鄭使君

贈楊公杜之舅

國家圖書館 NATIONAL CENTRAL LIBRARY, TAIWAN, R.O.C.

遊金華山禪院

寄鄭道士二首

送少年禪師二首

古劔池

曹娥婢

比干傳

送人遊茆山

聞杜宇

聽曉角

春送僧

問漁人

律師

卷第二十五

七言律詩一十二首

宿赤松山觀題道人水閣兼寄郡守

春遊涼泉寺

經吳宮

送薛侍郎貶峽州司馬

將入匡山宿韓判官宅

送鄭侍郎騫赴闕

上盧使君

寄匡山大願和尚

別盧使君歸東陽二首

溪寺水閣間眺因寄宋使君

春送趙文觀送故合州坐主神櫬歸洛

後序贈詩

柳僉一首

楊傑一首

江衍二首



禪月集目錄



國家圖書館, NATIONAL CENTRAL LIBRARY, TAIWAN, R.O.C.

禪月集卷一

浙江東道婺州蘭溪縣和安寺西岳賜紫蜀國禪月大師貫休述

樂府古題雜言三十首

善哉行

傷古曲無知音

有美一人兮婉如青揚  
識曲別音兮令姿煌煌  
繡袂捧琴兮登君子堂  
如彼萱草花兮使我憂亡  
欲贈之以紫玉尺白銀鐙  
久不見之兮湘水茫茫

讀離騷經



湘江濱湘江濱蘭紅芷白波如銀終須一去呼湘  
君問湘神雲中君不知何以變靈均我恐湘江之  
魚兮死後盡爲人曾食靈均之肉兮箇箇爲忠臣  
又想靈均之骨兮終不曲千年波底色如玉誰能  
入水少取得香沐函題貢上國貢上國卽全勝和  
璞懸瓊垂棘結綠

陽春曲

江東廣明初作

爲口莫學阮嗣宗不言是非非至公爲手須似朱

雲輩折檻英風至今在男兒結髮事君親須敦前  
賢多慷慨歷數雍熙房與杜魏公姚公宋開府盡  
向天上仙宮閒處坐何不却辭上帝下下土忍見  
蒼生苦苦苦

白雪曲

列鼎佩金章淚眼看風枝却思食藜藿身作屠沽  
兒負米無遠近所希升斗歸爲人無貴賤莫學雞  
狗肥斯言如不忘別更無光輝斯言如或忘卽安

用人爲

上留田

父不父兄不兄上留田  
蝥賊生徒陟崗淚崢嶸我  
欲使諸凡鳥雀盡變爲鵲  
鴿我欲使諸凡艸木盡  
變爲田荆隣人隣人歌古  
風清風生

胡無人

霍嫖姚趙充國天子將之  
平朔漠肉胡之肉燼胡  
帳幄千里萬里唯留胡之  
空殼邊風蕭蕭榆葉初

落殺氣晝赤枯骨夜哭將  
軍旣立殊勳遂有胡無  
人曲我聞之天子富有四  
海德被無垠但令一物  
得所八表來賓亦何必令  
彼胡無人

野田黃雀行

高樹風多吹爾巢落蒿深  
葉暖宜爾衣薄莫近鴉  
類蛛網亦惡飲野田之清  
水食野田之黃粟深花  
中睡教土裏浴如此卽全  
勝啄太倉之穀而更穿  
人屋

臨高臺

涼風生遠念使我昇高臺寧知數片雲不是舊山  
來故人天一涯久客殊未迴鴈來不得書空寄聲  
哀哀

杞梁妻

秦之無道兮四海枯築長城兮遮北胡築人築土  
一萬里杞梁貞婦啼嗚嗚上無父兮中無夫下無  
子兮孤復孤一號城崩塞色苦載號杞梁骨出土  
疲魂饑魄想逐歸陌上少年莫相侮

蒿里曲

兔不遲烏更急但恐穆王八駿著鞭不及所以蒿  
里墳出戢戢氣凌雲天龍騰鳳集盡爲風消土喫  
狐掇蟻拾黃金不啼玉不泣白楊騷屑刮風愁月  
折碑石人莽穢榛沒牛羊窳宰時見牧童兒弄枯  
骨

夜夜曲

蟪蛄切切風騷騷芙蓉噴香蟾蜍高孤燈耿耿征  
婦勞更深撲落金剪刀

行路難

君不見山高海深人不測古往今來轉青碧淺近  
輕浮莫與交地卑只解生荆棘誰道黃金如糞土  
張耳陳餘斷消息行路難行路難君自看

擬古別離

離恨如旨酒古今飲皆醉只恐長江水盡是兒女

淚伊余非此輩送人空把臂他日載相逢清風滿  
天地

戰城南二首

萬里桑乾傍茫茫古蕃壤將軍貌憔悴撫劍悲年  
長胡兵尚凌逼久住亦非強邯鄲少年輩個個有  
伎倆拖鎗半夜去雪片大如掌

又

積中有陰兵戰馬時驚蹶輕猛季陵心摧殘蘇武

節黃金鎖子甲風吹色如鐵十載不封侯茫茫向  
誰說

少年行三首

錦衣鮮華手擎鵬閒行氣貌多輕忽稼穡艱難總  
不知五帝三皇是何物

又

自拳五色裘迸人他人宅却捉蒼頭奴玉鞭打一  
百

又

面白如削玉猖狂曲江曲馬上黃金鞍適來新賭  
得

夢遊仙四首

夢到海中山入箇白銀宅逢見一道士稱是李八  
伯

又

三四仙女兒身著瑟瑟衣手把明月珠打落金色

梨

又

車渠地無塵行至瑤池濱  
森森椿樹下白龍來嗅  
人

又

宮殿崢嶸籠紫氣金湫玉砂五色水  
守闈仙婢相倚睡偷摘蟠桃幾倒地

輕薄篇二首

繡林錦野春態相壓誰家少年馬蹄踢  
鬪雞走狗夜不歸一擲賭却如花妾  
誰云不顛不狂其名不彰悲夫

又

木落蕭蕭蟲鳴唧唧不覺朱萼臉紅  
霜劫髮漆世途多事泣向秋日方今  
少壯不努力老大徒傷悲如何

長安道



憧憧合合八表一轍黃塵霧合車馬火熱名湯風  
雨利輾霜雪千車萬馱半宿關月上有堯禹下有  
夔高紫氣銀輪兮常覆金闕仙掌捧日兮濁河澄  
澈愚將艸木兮有言有言與華封人兮不別不別

洛陽塵

昔時昔時洛城人今作茫茫洛城塵我聞富有石  
季倫樓臺五色干星辰樂如天樂日夜聞錦姝繡  
妾何紛紛真珠簾中姑射神人文金線玉香成暮

雲孫秀若不殺晉室應更貧伊水削行路塚石花  
磷磷蒼茫金谷園牛羊齧荆榛飛鳥好羽毛疑是  
綠珠身

富貴曲二首

有金張族驕奢相續瓊廚玉堂雕牆繡轂統綺雜  
雜鍾鼓合合美人如白牡丹花半日只舞得一曲  
樂不樂足不足爭教他愛山青水綠

又

如神若仙似蘭同雪樂戒于極胡不知輟只欲更  
綴上落花恨不能把住明月太山肉盡東海酒竭  
佳人醉唱敲玉釵折寧知耘田車水翁日日炙背  
欲裂

禪月集卷一

古虞毛晉訂



禪月集卷二

古風雜言二十首

古意九首

一雨火雲盡

一雨火雲盡開門心冥冥蘭花與芙蓉滿院同芳  
馨佳人天一涯好鳥何嚶嚶我有雙白壁不羨于  
虞卿我有徑寸珠別是天地精玩之室生白瀟灑  
身安輕只應天上人見我雙眼明

陽鳥爍萬物

補月集 一  
陽鳥爍萬物艸木懷春恩茫茫塵土飛培壅名利  
根我本是蓑笠幼知天子尊學爲毛氏詩亦多直  
致言不慕需臚類附勢同崩奔唯尋桃李蹊去去  
長者門

美人如遊龍

美人如遊龍被服金鴛央手把古刀尺在彼白玉  
堂文章深掣曳珂珮鳴丁當好風吹桃花片片落  
銀床何妨學羽翰遠逐朱鳥翔

乾坤有清氣

乾坤有清氣散入詩人脾聖賢遺清風不在惡木  
枝千人萬人中一人兩人知憶在東溪日花開落  
葉時幾擬以黃金鑄作鍾子期

莫輕白雲白

莫輕白雲白不與風雨會莫見守羊兒或是初平  
輩人生非日月光輝豈常在一榮與一辱古今常  
相對君不見于公門子孫好冠蓋

古交如真金

古交如真金百煉色不回  
今交如暴流倏忽生塵埃  
我願君子氣散爲青松  
栽我恐荆棘花只爲小人  
開傷心復傷心吟上高高臺

常思謝康樂

常思謝康樂文章有神力  
是何清風清凜然似相識  
一種爲頑嚙得作翻經石  
一種爲枯槁得作登山屐  
永嘉爲郡後山水添鮮碧  
何當學羽翰一去

觀遺跡

常思李太白

常思李太白仙筆驅造化  
玄宗致之七寶床虎殿  
龍樓無不可一朝力士脫靴後  
玉上青蠅生一箇紫皇殿前五色麟  
忽然掣斷黃金鎖五湖大浪如  
銀山滿船載酒撾鼓過賀老  
成異物顛狂誰敢和寧知江邊墳  
不是猶醉臥

憶在山中時

神戶集 三  
憶在山中時丹桂花葳蕤紅泉浸瑤艸白日生華  
滋若屋開地鑪翠墻掛藤衣看經竹窻邊白獺三  
兩枝東峰有老人眼碧頭骨奇種碓煮白石旨趣  
如嬰兒月上來打門月落方始歸授我微妙訣恬  
淡無所爲別來六七年只恐白日飛

酷吏詞

霰雨潏潏風吼如斲有叟有叟暮投我宿吁歎自  
語云太守酷如何如何掠脂輸肉吳姬唱一曲等

閑破紅束韓娥唱一曲錦段鮮照屋寧知一曲兩  
曲謔曾使千人萬人哭不惟哭亦白其頭饑其族  
所以祥風不來和氣不復蝗乎賊乎東西南北

還舉人歌行卷

厚於鐵圍山上鐵薄似雙成仙體纈蜀機鳳雛動  
蹙蹙珊瑚枝枝撐著月王凱家中藏難掘顏回飢  
儂愁天雪古松直筆雷不折雪衣女啄蟠桃缺珮  
入龍宮步步遲繡簾銀殿何參差卽不知驪龍失

珠知不知

陳宮詞

緬想當時宮闕盛  
荒宴椒房懷堯聖  
玉樹花歌百  
花裏珊瑚牕中海  
日送大臣來朝酒  
未醒酒醒忠  
諫多不聽陳宮因此成野田  
耕人犁破宮人鏡

擬齊梁酬所知見贈二首

靜只焚香坐詠懷  
悲歲闌佳人忽有鷗  
滿手紅琅玕不獨耀  
肌魄將行爲羽翰  
酬如上青天風雪空

漫漫

又

美如仙鼎金清如纖手  
琴孫登嘯一聲縹緲不可  
尋但覺神洋洋如入三昧林  
釋手復在手古意深  
復深慚無英瓊瑤何以酬知音

經古戰場

茫茫凶荒迥如天  
設駐馬四顧氣候迂  
結秋空崢嶸黃日將沒  
多少行人白日見物  
莫道路高低盡

是戰骨莫見地赤碧盡是征血昔人昔人既能忠  
盡于力身糜戈戟脂其風膏其域今人何不繩其  
勝植其食而使空曠年年常貯愁烟使我至此不  
能無言

村行遇獵

獵師紛紛走榛莽女亦相隨把弓矢南北東西盡  
殺心斷燒殘雲在圍裏鶻拂荒田兔成血竿打黃  
茅雉驚起傷嗟箇輩亦是人一生將此關身已我

聞天地之大德曰生又聞萬事皆天意何遣此人  
又如此猶更願天公一丈雪深山麋鹿盡凍死

漁家

赤蘆葢屋低壓恰沙漲柴門水痕疊黃雞青犬花  
蒙籠漁父漁兒掃風葉有叟相逢帶秋醉自拔船  
椿色無媿前山脚下得魚多惡浪堆中盡頭睡但  
得忘筌心自樂肯羨前賢釣清渭終須畫取掛秋  
堂與爾爲隣有深意



田家作

田家老翁無可作  
晝甌蒸梨香漠漠  
只向堦前曝背眠  
赤桑大葉時時落  
古塹侵門桃竹密  
倉囤峨峨欲避日  
自云孫子解耕耘  
四五年來腹多實  
我聞此語心自悲  
世上悠悠豈得知  
稼而不穡徒爾爲

江邊祠

松森森江渾渾  
江邊古祠空  
閉門精靈應  
醉社日

酒白龜咬斷  
菖蒲根花殘  
冷紅宿雨滴  
土龍甲溼  
鬼眼赤天符  
早晚下空碧  
昨夜前村行  
霹靂

苦熱寄赤松道者

天雲如燒人如炙  
天地鑪中更何適  
蟬喘雷乾冰  
井融些子清風  
有何益  
守羊真人聃之役  
高吟招隱倚碧壁  
紫氣紅烟鮮  
滴滴澗茗園  
瓜麴塵色驕  
奢涼冷合相憶

偶作二首

新詩一千首古錦初下機除月與鬼神別未有人  
知子期去不返浩浩良可悲不知天地間知者復  
是誰

又

門前數枝路路車馬鳴名埃與利塵千里萬里  
行只見青山高豈見青山平朱門勢峨峨冠蓋何  
光明黃鳥在花裏青蟬奪其聲爾生非金玉豈常  
貴復貞寄言之子心可以歸無形

春晚書山家屋壁二首

柴門寂寂黍飯馨山家烟火春雨晴庭花濛濛水  
泠泠小兒啼索樹上鷺

又

水一作  
穰香塘黑蒲森森鴛鴦如家禽前村後

壟桑柘深東鄰西舍無相侵蠶娘洗璽前溪淥牧  
童吹笛和衣浴山翁留我宿又宿笑指西坡瓜豆  
熟

春晚間居寄陳嵩伯

春霖閉門久春色聚庭木一夢辭舊山四隣有新  
哭菘蒲生白水風篁擢纖玉爲憶湖上翁花時獨  
冥目

長持經僧

嘵嘵長夜坐嘵嘵長早起杉森森不見人聲續續  
如流水掄金掙玉吐宮嚙微頭低草木手合神鬼  
日消三兩黃金爭得止

佛言常持經者可日食三兩金

而槁木朽

枝一食而已傷嗟浮世之人善事不曾入耳

茫茫曲

茫茫復茫茫滿眼皆埃塵莫言白髮多莖莖是愁  
筋未達苦雕僞及達多不仁淺深與高低盡能生  
棘榛茫茫四大愁殺人

古鏡詞上劉侍郎

至寶不自寶照古還照今仙人手胼胝寥泚秋沉  
沉不是十二面不是百煉金若非八彩眉不可輒

照臨卽歸玉案頭爲君整冠簪卽居吾君手照出  
天下心恭聞太宗朝此鏡當宸襟六合懸清光萬  
里無塵侵此鏡今又出天地還得一

送姜道士歸南岳

松品落落雪格索索眼有三角頭峭五岳若不居  
岳此處難著藥僮貌蠻名鄙彼葫蘆酒滿擔劣起  
萬里長風嘯一聲九貞須拍黃金几落葉蕭蕭口  
杳宵送師言了意未了意未了他時爲我致取一

部音聲鳥

了仙謠

海中紫霧蓬萊島安期子喬去何早遊戲多騎白  
騏驎鬚髮如銀未曾老亦留仙訣在人間蓄鏃終  
言藥非道始皇不得此深旨遠遣徐福生憂惱紫  
朮黃精心上苗大還小還行中寶若師方術棄心  
師浪似雪山何處討

禪月集卷二終

海虞毛晉訂



禪月集卷三

古風雜言三十首

循吏曲上王使君

需宿需宿炳爛光合蒸蒸黎民鍾此多福自東自  
西自南自北伊飛伊走乳乳良牧和氣無形春光  
自成大信不信貽厥無朕需女需女爾亦須語使  
君爲理玄風震古需女需女爾亦須語我願喙長  
三千里枕著玉階奏明主

古鏡詞

我有一面鏡不磨似秋月上唯金膏香下狀驪龍  
窟等閒不欲開醜者多不悅或問幾千年軒轅手  
中物

懷張爲周朴

張周二夫子詩好人太癖更不過嶺來如今頭盡  
白人傳禹力不到處河聲流向西周又到處卽閉  
戶逢君方展眉張不知是不是若是卽太奇我又

聞二公心與人不同一生常在寂寞中有時狂吟  
入僧宅錦囊烏啼荔枝紅有時冥搜海山腦珊瑚  
枝動日杲杲聖君在上知不知赤面濁醪許多好

題弘顓三藏院

儀清態淡雕瓊瓌捲簾瀟灑無口埃岳茶如乳庭  
花開信心弟子時時來灌頂壇嚴伸囑塞三十年  
功苦拘束梵僧夢裏授微言雪嶺白牛力口得師

受神僧真水精一索香一爐紅蓮花舌生醍醐初

聽喉音寶樓閣如聞魔王宮殿拉金瓦落次聽妙  
音大隨求更覺人間萬事深悠悠四音俱作清且  
柔愛河濁浪却倒流却倒流兮無處去碧海含空  
日初曙

古意代友人投所知

青松雖有花有花不如無貧井泉雖清且無金  
轆客從遠方來遺我古銅鏡掛之玉堂上如對軒  
轅聖天龍睡坤腹土蝕金鬣綠因知燕趙佳人顏

似玉不得此鏡終不口

聞知已入翰林

天驥頭似鳥儵忽四天下南金色如樵入火不見  
火吾交二名士遠立于帝左鳳姿旣出世天意囑  
在我奇哉子淵頌無可無不可

上裴大夫二首

我有一端綺花彩鸞鳳群佳人金錯刀何以裁此

文



又

我有白雲琴朴斲天地精俚耳不使聞慮同衆樂  
聽指指法仙法聲聲聖人聲一彈四時和再彈中  
古清庭前梧桐枝颯颯南風生還希師曠懷見我  
心不輕

上劉商州

周邵吁噓氣結爲禎祥雲客從遠方來持此將贈  
君時命偶不謬授館終南東愔愔良吏師不寐如

老農丘軻文之天代天有餘功天復代天后后稷  
何所從

閒居擬齊梁四首

夜雨山艸滋

夜雨山艸滋爽籟生古木閒吟竹仙偈清於嚼金  
玉蟋蟀啼壞墻苟免悲局促道人優曇花迢迢遠  
山綠

果熟無低枝

果熟無低枝芳香入屏帷故人久不來萱艸何離  
離苦吟齋貌減更被杉風吹獨賴湖上翁時爲烹  
露葵

紅藕映嘉鮐

紅藕映嘉鮐澄池照孤坐池痕放文彩雨氣增慵  
墮山翁寄朮藥幸得秋病可終召十七人雲中備  
香火

清氣生滄洲

清氣生滄洲殘雲落林藪放鶴久不歸不知更歸  
否支策到江湄江臯木葉飛自憐爲客遠還如鵲  
遶枝南枝復北枝玉露沾毛衣

塞上曲二首

錦袷胡兒黑如漆騎羊上冰如箭疾蒲萄酒白雕  
腊紅苜蓿根甜沙鼠出單于右臂何須斷天子昭  
昭本如日一握驚髯一握絲須知只爲平戎術

又

去年轉鬪陰山脚生得單于却放却今年深入于  
不毛胡兵拔帳遺弓刀男兒須展平生志爲國輸  
忠合天地甲穿雖卽失黃金劔缺猶能生紫氣塞  
艸萋萋兵士苦胡虜如今勿胡虜封侯十萬始無  
心玉關凱入君看取

擬齊梁體寄馮使君三首

庭鳥多好音

庭鳥多好音相呼灌木中竹房更何有還如鳥巢

空賴逢富人侯真東晉謝公諸公煌煌發令姿珂珮  
鳴丁冬故山有深霞未如旌旆紅慚非衛霍松何  
以當清風

露益蟬聲長

露益蟬聲長蕙蘭垂紫帶清吟待明月孤雲忽爲  
蓋伊余石林人本是燒畬輩頻接謝公棊輸多未  
曾賽

大道貴無心

大道貴無心聖賢爲始慕秋空共澄潔美玉同貞  
素偉哉桐江守雌黃出金口爲文能廢典談道弭  
空有雪林稿枯者坐石聽亦久還疑紫磨身成居  
靈運後

書匡山老僧菴

篔簹紅實好鳥語銀髯瘦僧貌如祖香烟濛濛衣  
上聚冥心縹緲一作渺渺入鐵圍白麝作夢枕藤屨東  
峰山媪貢瓜乳

讀顧況歌行

雪泥露金冰滴瓦楓檉火著僧留坐忽覩逋翁况  
號逋翁也一軸歌始覺詩魔辜負我花飛飛雪霏霏三  
珠樹曉珠纍纍妖狐爬出西子骨雷車撥破織女  
機憶昔鄱陽寺中見一碣逋翁詞兮逋翁札庾翼  
未伏王右軍李白不知誰擬殺別別若非仙眼應  
難別不可說不可說離亂亂離應打折

冬末病中作二首

冬風吹艸木亦吹我病根故人久不來冷落如丘  
園舂龍與摩詰吁歎非不聞顧惟年少時未合多  
憂懃風鍾遠孤枕雪水流凍痕空餘微妙心期共  
靜者論

又

胸中有一物旅拒復攻擊向下還上來唯疑是肺  
石山童頑且小用之復何益教洗煮茶鑪雪團打  
隣壁宛轉無好姿徘徊更何適庭前早梅樹坐見

花盡碧屋老多鼠窠窻卑露山脊近來胸中物已  
似輸藥力微吟復微吟依稀似莊舄

遇葉進士

文章擬真宰儀冠冷如壁山寺偶相逢眼青勝山  
色氣隆多慷慨語澹無他力金繩殘果落竹閣涼  
雨滴自媿龍鍾人見此冲天翼

寄杜使君

清辰捲珠簾盥漱香滿室杉松經雪後別有精彩

出琅函芙蓉書開之向堦日好鳥常解來孤雲偶  
相失有時作章句氣槩還鮮逸茫茫世情世誰人  
愛真實清高慕玄度宴默攀道一殘磬隔風林微  
陽解冰筆亦知休明代諒無經濟術門前九箇峰  
終擬爲文乞

寄高員外

冷冽蒼黃風似劈雪骨冰筋滿瑤席庭松流汗相  
抵喫雪絮重裘火無力孤峰地鑪燒白櫪龐眉道

者應相憶儵忽維陽歲云暮寂寥不覺成章句惟  
應將寄蕊珠宮

一作人

禪刹雲深一來否

書陳處士屋壁二首

有叟傲堯日髮白肌膚紅妻子亦讀書種蘭清溪

東

處士有種蘭篇

白雲有奇色紫桂含天風卽應迎鶴書

肯羨于洞洪

又

高步前山前高歌北山北數載賣甘橙山貲近云

足新詩不將出往往僧乞得唯云李太白亦是偷  
桃賊吟狂鬼神走酒醞天地旻青芻生堦除擷之  
束成束

對月作

今人看此月古人看此月如何古人心難向今人  
說古人求祿以及親及親如之何忠孝爲朱輪今  
人求祿唯庇身庇身如之何惡木多斜文斜文復  
斜文顛室何紛紛

山茶花

風裁日滌開仙圃百花色死猩血謬今朝一朶墮  
堦前應有看人怨孫秀

上孫使君

聖主得賢臣天地方交泰恭惟岳精粹多出於昭  
伐君侯握文鏡獨立塵埃外王演俗容儀崔陵小  
風槩馨香擁蘭雪峻秀高嵩岱嵇松領歲寒莊劔  
無礪淬威稜玉霜直匠石金槌大詩穿明月珠道

拍安期背中興鸞鳳集直道風雲會萬卷似無書  
三山如歷塊德乎天所縱清矣誰堪對有法在朝  
端無塵到冠蓋具瞻從密勿旦夕調鼎鼐爲君整  
衢樽爲君戢蕃塞豈知吾后意憂此毗陵最親手  
賜彤弓蒼生是繫賴下車隣寇散是物冰壺內龔  
遂喪廉平次公太繁碎袴襦砧動地父母歌闌闌  
口雪鏢戈鋌非烟遶旆旆寧思子產冰肯羨任棠  
矧忽如春再來不獨天重戴昂藏海嶠鶴冷碧仙

庭檜物物動和風家家有新態芙蓉開帟幕錦帳  
無纖璫鼓角穿凍雲恩波動耕耒奸回改精魄禮  
教書紳帶必于堯舜日還似房杜輩野人有章句  
格力亦慷慨若不入丘門世間更誰愛



禪月集卷三 終

海虞毛晉訂



禪月集卷四

古風雜言三十首

行路難四首

不會當時作天地剛有多般愚與智到頭還用真  
宰心何如上下皆清氣大道冥冥不知處那堪頓  
得義和轡義不義今人不人擬學長生更容易負  
心爲鑪復爲火緣木求魚應且止君不見燒金煉  
石古帝王鬼火熒熒白楊裏

又

君不見道傍廢井生古木本是驕奢貴人屋幾度  
美人照影來素纒銀餅濯纖玉雲飛雨散今如此  
綉闥雕甍作荒谷沸渭笙歌君莫誇不應常是西  
家哭休說遺編行者幾至竟終須合天理敗他成  
此亦何功蘇張終作多言鬼行路難行路難不在  
羊腸裏

又

九有茫茫共堯日浪死虛生亦非一清淨玄音竟  
不聞花眼酒腸暗如漆或偶因片言隻字登第光  
二親又不能獻可替否航要津口譚羲軒與周孔  
理行不及屠沽人行路難行路難日暮途遠空悲  
歎

又

君不見道傍樹有寄生枝青青鬱鬱同榮衰無情  
之物尚如此爲人不及還堪悲父歸墳兮未朝夕

已分黃金爭田宅高堂老母頭似霜心作數支淚  
常滴我聞忽如負芒刺不獨爲君空歎息古人尺  
布猶可縫潯陽義犬令人憶寄言世上爲人子孝  
義團圓莫如此若如此不遄死兮更何俟

泊秋江

岸如洞庭山似剡船漾清溪涼勝簟月白風高不  
得眠枯葦叢邊釣師魘

嘲商客

葦蕭蕭風撼撼落日江頭何處客斜倚帆檣不喚  
人五湖浪向心中白

寄王滌

梅月多開戶衣裳潤欲滴寂寥雖無形不是小讎  
敵地虛草木壯雨白桃李赤永日無人來庭花苦  
狼籍吟高好鳥覩風靜茶烟直唯思萊子來衣拖  
五般色

上馮使君五首

撐船碧江上春日何遲遲汀花最深處拾得鴛鴦  
兒

又

漁父無憂苦水仙亦何別眠在綠葦邊不知釣筒  
發

又

樵叟無憂苦地仙亦何別茆屋岸花中弄孫頭似  
雪

又

扣舷得新詩茶煮桃花水薜薜數片帆去去殊未  
已

又

仁政無不及乳獺將子行誰家苦竹林中有讀書  
聲

擬君子有所思二首

我愛正考甫思賢作商頌我愛揚子雲理亂皆如

鳳振衣中夜起露花香旖旎撲碎驪龍明珠敲  
出鳳凰五色髓陋巷蕭蕭風枿枿緬想斯人勝珪  
壁寂寥千載不相逢無限區區盡虛擲君不見沈  
約道佳人不在茲春光為誰惜

又

安得龍猛筆點石為黃金

西岳龍猛大士於硯中磨藥點筆成金西天有

龍猛金其色紫

散為酷吏家使無貪殘心甘棠密葉成翠

幄欵鳳不來天地塞所以傾國傾城人如今如今

不可得

古塞下曲四首

古塞腥膻地胡兵聚如蠅寒鵬中髀石落在黃河  
冰蒼江邏迤城枿枿賊氣興鑄金禱秋穹還擬相  
憑凌

又

戰

一作白

骨踐成

一作化黃

塵飛入征人目黃金

一作塵

忽

變黑戰鬼作陣

一作夜

哭陰風吼天漢火號出不得

誰爲天子前唱此邊城曲

又

日向平沙出還向平沙沒飛蓬落軍營驚鷗去天  
末帝鄉青樓倚霄漢歌吹掀天對花月豈知塞上  
望鄉人日日雙眸滴清血

又

狼烟在陣雲匈奴愛輕敵領兵不知數牛羊復吞  
磧嚴冬大河枯嫖姚去深擊戰血染黃沙風吹映

天赤

鼓腹曲

我昔不幸兮遭百罹蒼蒼留我兮到好時耳聞鐘  
鼓兮生豐肌白髮却黑兮自不知東隣老人好吹  
笛倉囤峨峨穀多赤餅紅鰕兮析麩腊有酒如濁  
醢兮呼我喫往往醉倒潢洿之水邊兮人盡識孰  
云六五帝兮四三皇如夔如龍兮如龔黃吾不知  
此之言兮是何之言兮

經曠禪師院

吾師楞伽山中人氣岸古淡生麒麟曹溪老兄一  
與語金玉聲利泥棄唾兀兀如頑雲驪珠兮固  
難價其價靈芝兮何以根其根真貌枯槁言朴略  
衲衣爛黑燒岳痕憶昔十四五年前苦寒節禮師  
問師楞伽月此時師握玉麈尾報我却云非日月  
一敲粉碎狂性歇庭松無韻冷撼骨搔窻擦簷數  
枝雪邇來流浪于吳越一片閒雲空皎潔再來尋

師已蟬蛻簷荀枝枯醴泉竭水檀香火遺影在甘  
露松枝月中折師去世有甘露降于庭松寶師往日真隱心今  
日不能墮雙血

邊上作三首

山無綠兮水無清風旣毒兮沙亦腥胡兒走馬疾  
飛鳥聯翩射落雲中聲

又

陣雲忽向沙中起探得胡兵過遼水堪嗟護塞征



戍兒未戰已疑身是鬼

又

見說青塚穴中有白野狐時時出沙磧向東而號  
呼號呼復號呼畫師圖得無

送張拾遺赴施州司戶

道之大道古太古二字爲名爭莽鹵社稷安危在  
直言須歷堯堦搥諫鼓恭聞吾皇至聖深無比推  
席却几聽至理一言偶未合堯聰賈生須看湘江

水君不見頃者百官排闥赴延英陽城不死存令  
名又不見仲尼遙竒司馬子珮玉垂紳合如此公  
乎公乎施之掾江上春風喜相見畏天之命復行  
行芙蓉爲衣勝絕絹好音入耳應非久三峽聞猿  
莫迴首且啜千年羹醉巴酒

書倪氏屋壁三首

茶烹綠乳花映簾撐沙苦筍銀纖纖窗中山色青  
翠粘主人於我情無厭

又

白桑紅椹罵咽咽麵揉玉塵餅挑雪將爲數日已  
一月主人於我特地切

又

水嬌艸媚掩山路睡槎鴛央如畫作春光靄靄忽  
已暮主人剛地不放手

續姚梁公坐右銘

并序

愚嘗覽白太保所作續崔子玉坐右銘一

首其詞旨乃典乃文再懇再切實可警策  
未悟貽厥將來又見姚崇下蘭張說李邕  
皆有斯文尤爲奧妙其于束勗婉婉乃千  
古之鑒戒資腴矣愚竊愛其文惟恨世人  
不能行之十得一二一日抽毫遂作續白  
氏之續命曰續姚梁公坐右銘一首雖文  
經理緯不逮於群公而亦可書於屋壁云  
善爲爾諸身行爲爾性命禍福必可轉莫慙言前

定見人之得如己之得則美無不克見人之失如  
己之失是亨貞吉返此之徒天鬼必誅福先禍始  
好殺滅絕不得不止守謙寡慾善善惡惡不得不  
作無見貴熱諂走蹙蹙無輕賤微上下相依靠古聖  
著書矻矻孽孽忠孝信行越食逾衣生天地間未  
或非假身危彩虹景速奔馬胡不自強將升玉堂  
胡爲自墜言虛行僞艷殃爾壽須戒酒腐爾腸須  
畏勵志須至樸滿必破非莫非於飾非過莫過於

文過及物陰功子孫必封無恃文學是司奇薄患  
隨不忍害逐無足一此一彼諧宮合徵親仁下問  
立節求已惡木之陰匪陰盜泉之水匪水世孚草  
草能生幾幾直須如冰如玉種桃種李嫉人之惡  
酬恩報義忽已之慢成人之美毋擔虛譽無背至  
理恬和遜暢冲融終始天人之行盡此而已丁寧  
丁寧戴髮含齒

上盧少卿覓千文

荆山有美玉含華尚炳爛堪爲聖君璽堪爲聖君  
案艸木潤不彫烟霞覆不散野人到山下仰視星  
辰畔倘或如栗黃係之上霄漢

謝盧少卿惠千文

廬山有石鏡高倚無塵垢晝景分烟蘿夜魄侵星  
斗苞含物象列搜照魚龍吼寄謝天地間毫端皆  
我有

禪月集卷第四

終

海虞毛晉訂

禪月集卷五

古風雜言二十二首

大蜀皇帝壽春節進堯銘舜頌二首

堯銘

金冊昭昭列聖孤標仲尼有言巍巍帝堯承天眷  
命罔厥矜驕四德炎炎堦莫不凋永孚于休垂衣  
飄飄吾皇則之小心翼翼秉陽亭毒不遑暇食土  
堦苔綠茅茨雪滴君旣天賦相亦天錫德輶金鏡

以聖繼聖漢高將將太宗兵柄吾皇則之日新德  
盛朽索六馬罔墜厥命熙熙蓼蕭塊潤風調舞擊  
干羽囿入芻蕘旣玉其葉亦金其枝葉葉枝枝百  
工允釐享國如堯不疑不疑

舜頌

高高歷山有黍有粟皇皇大舜合堯玄德五典克  
從四門伊穆大道將行天下爲公臨下有赫選賢  
用能吾皇則之無斃無逸綏厥品彙光光得一千

幅臨頂十在隨蹕大哉大同爲光爲龍吾皇則之  
聖謀隆隆納隍孜孜孜孜切切六宗是禋五瑞斯  
列排麟環鳳披香立雪四夷納賚九圍一作有截  
昔救世師降生竺乾壽春亦然萬年萬年

大蜀高祖潛龍日獻陳情偈頌

有叟有叟居岳之室忽振金湯下彼巉崿聞蜀風  
景地寧得一富人侯王且爽摩詰龍角日角紫氣  
盤屈揭日月行符湯禹出天步孔艱橫流犯蹕穆

穆蜀俗整整師律髯髮垂雪忠貞貫日四人蘇活  
萬里豐謐無雨不膏有露皆滴有叟有叟無實行  
實一瓶一衲既朴且質幸蒙顧盼詞煖思鬱軒鏡  
光中願如善吉

寄大願和尚

道朗居太山達磨住熊耳手擎清涼月靈光溢天  
地盡騎金師子去世久已矣吾師隱廬岳外念全  
剗削擲孔聖之日月相空王之橐籥曾升麟德殿

譚無著賜衣三鉢讓不著

太平裴相公與師詩云  
竟辭聖主宮中詔來赴

遺民社  
內期唯思紅泉白石閣因隨裴楷離京索時裴  
公出

守鍾陵與  
師同行

邇來便止於匡霍瀑布千尋噴冷烟旃

檀一枝翹瘦鶴峴首故人清信在千書萬書取不

諾

裴公鎮襄陽頻使  
迎取師堅不往

微人昔爲門下人扣玄珮惠

無邊垠自憐亦是師子子未逾三載能嘖呻

江西  
三載

誦法  
華經

一從散席歸寧後溪寺更有誰相親青山古

木入白浪赤松道士爲東隣焚香西望情何極不

及曇詵淚空滴

詵遠公弟子常在左右

桐江太守社中人還

送郗超米千石

昔郗鑒送米入山與道安

寶書遽掩修章句萬

里空函亦何益終須一替辟虵人未解融神出空

集

匡山神爲遠公侍者口辟虵人入師曾口書不知何緣得相見惟冲融無相而會耳

### 上顧大夫

碧海漾仙洲驪珠外無寶一岳倚青冥群山盡如  
艸君侯聖朝瑞動只關玄造誰云倚天劍含霜在  
懷抱誰云青雲險門前是平道洪民亦何幸里巷

清如掃至化無經綸至神無祝禱卽應炳文柄孤  
平去浩浩卽應調鼎味比屋堪封保野人慕正化  
來自海邊島經傳髻裏珠詩學池中藻閉門十餘  
載庭杉共枯槁今朝投至鑒得不傾肝腦斯文如  
未精歸山更探討

### 寒月送玄士入天台

之子逍遙塵世薄格淡於雲語如鶴相見唯談海  
上山碧側青斜冷相杳芒鞋竹杖寒凍時玉霄忽



去非有期僮擔赤籠密雪裏世上無人留得之想  
入紅霞路深遽孤峰縱嘯仙颺起星精聚觀泣海  
鬼月湧薄烟花點水送君丁寧有深旨好尋佛窟  
遊銀地佛窟銀地造天台雲境也雪眉衲僧皆正氣伊昔貞白  
先生同此意若得神聖之藥卽莫忘遠相寄

上杜使君

爲魚須處海爲木須在岳一登君子堂頓覺心寥  
廓右聽青女鏡左聽宣尼鐸政術似樗蒲詩情出

冲漠從來苦清苦近更加澹薄訟庭何所有一隻  
兩隻鶴烟霞色擁墻禾黍香侵郭嚴霜與美雨皆  
從二天落蒼生苦瘡痍如何盡消削聖君新雨露  
更作誰恩渥卽捉五色筆密勿金鑿角卽同房杜  
手把乾坤橐籥休說卜圭峰開門對林壑

送僧入馬頭山

馬頭寶峰秀塞寒空有叟有叟真隱其中無味醜  
翻亦非般若白趾碧目數百瀟灑苦竹大於杉白

熊臥如馬金鍾撼壑布水噴瓦芙蓉堂開峰月入  
岳精踏雪立屋下伊余解攀緣已是非常者更有  
叟獨往來與我語情無剛彊氣透今古竹笠援補  
芒鞋藤乳北風倒人乾雪不聚滿頭霜雪湯雪去  
湯雪去無人及空望真氣江上立

上盧使君

夔龍在廟堂雖然有僉議蒼生得父母自是天之  
意鄱陽氣候正文物皆鮮媚金鏡有餘光春風少

閑地膺門倚寒碧到者寧容易賓從皆鳳毛爪牙  
悉猿臂樓臺千萬戶錦繡龍歌沸大惠蟲鳥全至  
巖龍虎畏可憐召伯樹婆娑不勝翠詩搜日月華  
道嚙神仙味嘉樹白雀來祥烟甘露墜中川一帶  
香口開幽邃地逸少情有餘東山境不啻恭聞聖  
天子廊廟猶虛位應知黎庶心只恐徵書至

送顥雅禪師

霜鋒櫛石鳥雀聚帆凍陰飈吹不舉芬陀利香釋

麟虎幡幢冒雪爭迎取春光主芙蓉堂窄堆花乳  
手提金桴打金鼓天花娉婷下如雨狡狴座上師  
子語苦却樂樂却苦盧至黃金忽如土

和楊使君遊赤松山

爲郡三星無一事龔黃意外扳喬松日邊揚歷不  
口路雲外苔蘚須留蹤溪月未落漏滴滴隼旗已  
入山重重捫蘿蓋輸山屐伴駝旆不見朝霞濃乳  
猿劇黠掛陰樹露朮翠脆生諸峰初平謝公道非  
遠黯然物外心相逢石羊依稀齧瑤草桃花彷彿  
開仙宮終當歸補吾君袞好山好水那相容

送崔使君

柳門柳門芳艸芊綿日日日黯然黯然子牟戀  
闕歸闕王粲下樓相別食實得地頗淹歲月今朝  
天子在上合雪必雪況絳之牧文行炳潔釋謂緣  
因久睨清塵王嘉迎安遠狎遺民媿彼二子厥或  
相似論文不文話道無滓士有貴逼勢不可遏麟

步規矩鳳翥昂枿峴首仁蹤項頻跋商雲乳麝香  
可撮望塵口口連紫闥吾皇必用乾坤莫忘江頭

白頭達

白頭達事  
見高僧傳

杜侯行

并序

愚自江東兵荒之後受杜氏兄弟深知住  
曾見陳陶與撫州蔡京使君雜言曰蔡氏  
行今亦擬之曰杜侯行云耳

天目連天搏秀氣崢嶸作起新城地德門鍾秀光

盛時三虎八龍皆世瑞頃者天厖亂下黥翻海烽  
火崩騰照行在江表唯傳君子營劍衝牛斗疏真  
宰金昆玉季輕三鼓煇海懸魚臣節苦鴈影參差  
入瑞烟荆花燦爛開仙圃我聞大中咸通真令主  
相惟大杜兼小杜但能致君活國濟生人亦何必  
須踏金梯折桂樹宣宗懿宗調舜琴大杜小杜爲  
殷霖出將入相兮功德深生人受賜兮直至今杜  
侯兄弟繼之後璞玉渾金美騰口常言一呼百萬

何足云終取封侯之印大如斗恭聞吾皇似堯禹  
搜索賢良皆面覩杜侯杜侯君儻修令德克有終  
卽必還爲大杜兼小杜人之戴今天筆註國之福  
今天固作四海無波八表臣如今而後君看取

偶作五首

誰信心火多多能焚大國誰信髮上絲莖莖出蠶  
腹嘗聞養蠶婦未曉上桑樹下樹畏蠶饑兒啼亦  
不顧一春膏血盡豈止應王賦如何酷吏酷盡爲

搜將去蠶蛾爲蝶飛僞葉滿空枝冤梭與恨機一  
見一沾衣

又

機生機巧生巧心鑊烘烘日煎炒闖蜀眉嘖遊海  
島扶桑椹熟金烏飽金烏飽飛復飛四天下人眼

始胎

又

孰云我輕薄石頭如何喚作玉孰云我是非隨邪

逐惡又爭得古人終不事悠悠一言道合死卽休  
豈不見大鵬點翼蓋十洲是何之物鳴啾啾

又

君子食卽食何必在珍華小人食不食縱食如泥  
沙清歌且莫唱妙舞亦休誇爾非鳳炙麒麟肉焉  
能一掛于齒牙去來去來歸去來紅泉正灑芙蓉  
霞

又

君不見金陵風臺月榭烟霞光如今五里十里野  
火燒茫茫君不見西施綠珠顏色可傾國樂極悲  
來留不得君不見漢王力盡得乾坤如何秋雨灑  
廟門銅臺老樹作精魅金谷野狐多子孫幾許繁  
華幾更改唯有堯舜周召丘軻似長在坐看樓閣  
成丘墟莫話桑田變成海吾有清涼雪山雪天上  
人間常皎潔茫茫慾火欲燒人惆悵無因爲君說

山中作

山爲水精宮藉花無塵埃吟狂岳似動筆落天瓊  
瓊伊余自樂道不論才不才有時鬼笑兩三聲疑  
是大謝小謝李白來

聞前王使君在澤潞居

爲善無近名竊名者得聲不如心誠哉是言也使  
君聖朝瑞乾婺符初刺德變人性靈筆變人風土  
烟霞與蟲鳥和氣將美雨千里與萬里各各來相  
附信哉有良吏玄讖應百數

東陽古者相傳有記云刺史滿一百卽有

好刺史來後有大寇至使君來正當一  
百人兩年後果有黃賊來公避地遠去 古人古人

自古人今日又見民歌六七袴不幸大寇崩騰來  
孤城勢孤固難錮攀轅旣不及旌旆衝風露大駕  
巴西幸飄零何處去婺人空悲哀對生祠泣沾莓  
苔忽聞暫寄河之北兵強四面無塵埃唯祝鑾輿  
早歸來用此咎繇仲虺才使四野霧廓八紘鏡開  
皇天無親長與善隣宜哉宜哉

將入匡山別芳晝二公二首

噴嵐堆黛塞寒碧  
窻前古雪如白石  
臨岐約我來  
不來若來須撥紅霞覓

又

紅豆樹

一作花

間滴紅雨戀師不得  
依師住世情世

界愁殺人錦繡谷中歸  
舍去

禪月集卷五

海虞毛晉訂



禪月集卷六

古風雜言三十首

送楊秀才

北山峨峨香拂拂翠漲青奔勢巉崿赤松君宅在  
其中紫金爲墻珠作室玻璃門外仙傲睡幢節森  
森絳烟密水精簾捲桃花開文錦娉婷衆非一撫  
長離坎答鼓花姑吹簫弄玉起舞三萬八千爲半  
日海涸鼇枯等閑覩愛共安期碁苦識彭祖祖有

時朝玉京紅雲擁金虎石橋亦是神仙住一作白  
鳳飛來又飛去五雲縹緲羽翼高世人仰望心空  
勞

別杜將軍

伊余本是胡爲者採葦鋤茶在窮野偶披蓑笠事  
空王餘力爲文擬何謝少年心在青雲端知音滿  
地皆鳳鸞遽逢天步艱難日深藏溪谷空長歎偶  
出重圍遇英哲留我江樓經歲月身隍玉帳香滿

衣夢歷金盆

金華山最高處

雨和雪東風來兮歌式微深

雲道人召來歸燕辭大廈兮將何爲濛濛花雨兮  
鷺飛飛一汀楊柳同依依

送夢上人歸京

伊余龍鐘歸海涯千山萬水情自怡夢公別我還  
上國江邊慘執行遲遲向我道雲中覓伴未得伴  
又示我數首新詩盡是詩只恐不如此若如此如  
此卽須天子知蕭蕭金吹荆門口槐菊鬪黃落葉

走前程勝事未可涯但恐圭峰難入手蓮峰掌記  
韓拾遺鴈行雍穆世所稀二十年前即別離憑師  
一話冷朝饑

問岳禪師疾

世病如山岳世醫皆拱手道病如金鎖師遭鎖鎖  
否大塵為世病為無事為道病為金鎖伊昔芙蓉頰談經似主涉蘇  
合晝氤氳天花似飛蝶覺樹垂實魔輩刺疾病也  
不問終不破膝師唯坐不臥也春光冉冉不上爾質東風

浩浩謾入爾室云何斯人而有斯疾

上荆南府主三讓德政碑

明明赫赫中興主動納諸隍冠前古四海英雄盡  
戢兵皆如圪圪一作乾天金柱萬姓多論政與德請

樹豐碑似山岳一從寇滅二十年琬琰雕鐫賜重  
疊荆州化風何卓異寡欲無為合天地雖立貞碑

與眾殊字字皆是吾皇意君侯捧碑西拜泣臣且  
何人恩薦及鳳皇一作詔銜下雕龍文德昧政虛爭

敢立函封三奏心匍匐堅讓此碑聲蓋國我恐江  
淹五色筆作不立此碑之碑文不得

### 施萬病丸

我聞昔有海上翁鬚眉皎白塵土中葫蘆盛藥行  
如風病者與藥皆惺惚藥王藥上親兄弟救人急  
於已諸體玉毫調御偏讚揚金輪釋梵咸歸禮賢  
守運心亦相似不吝親親拘子子曾聞古德有深  
言由來大士皆如此

### 甘雨應祈

春雨偶愆期草木亦未覺君侯不遑處退食或閉  
閣東海浪滔滔西江波漠漠得不願身爲大虬金  
其角玉其甲一吸再歛雲平霧匝華暢九有清傾  
六合使不蘇者蘇不足者足情通上玄如膏綿綿  
有叟有叟鼓腹歌於道邊歌曰麥苗芄芄兮鶻鷓  
飛日出而作兮日入歸如彼艸木兮雨露肥古人  
三樂兮我樂多之天之成兮地之平兮柘系黃兮

龍川集 四  
瓠葉青兮乳女啼兮蒸黍馨兮炙背  
■ 虱兮復何  
經營兮

寄韓團練

真宰動洪鑪萬物皆消息唯有三珠樹不用東風  
力君子天廟器頭骨何巉崩海內久聞名江西偶  
相識誰不有詩機麟龍不解織誰不有心地蘭茝  
不曾植多君二俱作獨立千仞壁話道出先天憑  
師動臻一作榛極青霄鴈行律紅露荊花滴偶然成

遠別別後長相憶行至鄱陽郡又見謝安石留我  
遇殘冬身心苦恬寂江上春又至引頸山空積何  
日再相逢天香滿瑤席

春野作五首

閒步淺青平綠流水征車自逐誰家挾彈少年擬  
打紅衣喙木

又

山花雨打盡滿地如爛錦遠尋鷓鴣雛拾得一團

草

又

大牛苦耕田乳犢望似泣萬事皆天意綠草頭蕺  
蕺

又

斜陽射破冢髑髏半出地不知誰氏子猶自作意  
氣

又

牛兒小牛女少拋牛沙上鬪百艸鉏隴老人又太  
老薄烟漠漠覆桑棗戴嵩醉後取次掃

深山逢老僧二首

衲衣線麓心似月自把短鋤鋤楮青石溪邊踏  
葉行數片雲隨兩眉雪

又

山童貌頑名乞乞放火燒畚采崖蜜擔頭何物帶  
山香一籬白蕈一籬栗

道情偈

草木亦有性與我將不別我若似艸木成道無時  
節世人不會道向道却嗔道傷嗟此輩人寶山不  
得寶

懷二三朝友

傷心復傷心流光似飛電有惠驪龍十斛珠不如  
一見君子面愁人復愁人滿眼皆埃塵有惠黃金  
一萬斤不如一見於仁人我昔讀詩書如今盡拋

也只記得田叔孟溫舒帝王滿口呼長者

偶作

君子稱一善馨香遍九垓小人妬一善處處生嫌  
猜口如暴死人鐵尺拗不開稂莠蝕田髓積陰成  
冬雷因知咋舌人千古空悠哉

義士行

先生先生不可遇愛平不平眉斗豎黃昏雨電空  
似驚別我不知何處去

觀懷素艸書歌

張顛顛後顛非顛直至懷素之顛始是顛師不譚  
經不說禪筋力唯于草書朽顛狂却恐是神仙有  
神助兮人莫及鐵石畫兮墨須入金罇竹葉數斗  
餘半斜半傾山衲溼醉來把筆獰如虎粉墨素屏  
不問主亂拏亂抹無規矩羅剎石上坐伍子胥崩  
通八字立對漢高祖勢崩騰兮不可止天機暗轉  
鋒鏘裏閃電光中霹靂飛古柏身中淖龍死駭人

心兮目賊

音 音

頓人足兮神碎易乍如沙場大

戰

一作 戰敗

後斷槍檣箭

一作斷 骸折骨

皆狼籍又似深山朽

石上古病松枝掛鐵錫月兔筆天竈墨斜鑿黃金  
側剉玉珊瑚枝長大束束天馬驕獰不可勒東却  
西南又北倒又起斷復續忽如鄂公喝住單雄信  
秦王肩上剔著棗木槩懷素師懷素師若不是星  
辰降瑞卽必是河岳孕靈固宜須冷笑逸少安得  
不心醉伯英天台古杉一千尺崖崩剝折何崢嶸



或細微仙衣半拆金線垂或妍媚桃花半紅公子  
醉我恐山爲墨兮磨海水天與筆兮書大地乃能  
略展狂僧意常恨與師不相識一見此書空歎息  
伊昔張渭任華葉季良數子贈歌豈虛飾所不足  
者渾未曾道著其神力石橋被燒燒良玉土不蝕  
錐畫沙兮印印泥世人世人爭得測知師雄名在  
世間明月清風有何極

送盧舍人三首

一曰勸君不用登峴首山讀羊祜碑男兒事業須  
自奇此碑山頭如日月日日照人人不知人不知  
青山白雲徒爾爲

又

二曰勸君登商山不用覓商山皓雲深雪深騾馬  
倒我願終南太華變爲金吾后見之不爲寶我願  
九州四海紙幅幅與君爲諫草使躡高踐夔逢軒  
見皞日環五色是物得老如此卽商山皓商山皓

君不用討他他必來相討

又

三曰君不見釋梵諸天壽億垓天上人間去復來  
君又不見紫金爲輪一千幅寶洲口四皆臣伏輪  
王釋梵作何因祇是弘隆大乘福自古皇王與賢  
哲頂敬心師刻金玉報通三世釋迦言莫將梁武  
爲題目君不見近代韋裴蔣與蕭韋處厚相國出  
入廟堂禮佛如  
朝見君父裴休相國師事空王信敬無比出將入  
相偏重禪門蔣口相國牆塹空門爲大檀越中書

藩鎮常事天王蕭倣相國清德冠世文房書府師

白業常修爲佛骨碑見行於當世

百僚代天理物映千古布髮掩泥非一朝大哉釋  
梵輪王璞已矣何人繼先覺行行珍重寄斯言斯  
言不是尋常曲

### 宿深村

行行一宿深村裏雞犬豐年鬧如市黃昏見客合  
家喜月下取魚岸塘水

### 黃鸞

一種爲春禽花中開羽翼如何此鳥身便是黃金  
色黃金色若逢竹實終不食

送越將歸會稽

面如玉盤身八尺燕語清獰戰袍窄古獄龍腥一  
匣霜江上相逢雙眼碧冉冉春光方婉婉黯然別  
我歸稽嚙他年必帥邯鄲兒與我殺輕班定遠

別仙客

巨鼇頭縮翻仙翠蟠桃爛落珊瑚地浪濺霓旌溼

鵬翅略別千年太容易

寒江上望

荒岸燒未死白雲癡不動極目無人行浪打取魚  
籠

讀唐史

我愛李景伯內宴執良規君臣道昭彰天顏終熙  
怡大籛怕清風糠粃繚亂飛洪鑪烹五金黃金終  
自奇大哉爲忠臣捨此何所之

樵叟

樵父貌饑帶塵土自言一生苦寒苦擔頭擔箇赤  
瓮甕斜陽獨立朦朧塢

禪月集卷六 終

海虞毛晉訂



禪月集卷七

五言律詩三十一首

春山行

重疊太古色濛濛  
花雨時好峰行恐  
盡流水語相隨  
黑壤生紅朮黃猿  
領白兒因思石橋  
月曾與故人期

送諫官南遷

危行危言者從天  
落海涯如斯爲遠  
客始是好男

龍虎集 一  
兒瘴雜交州雨犀指馬援碑不知千萬里誰復識  
辛毗

懷香爐峰道人

常思峰頂叟石窟土爲床日日先見日烟霞多異  
香冥心同槁木掃雪帶微陽終必相尋去斯人不  
可忘

觀李翰林真二首

日角浮紫氣凜然塵外清雖稱李太白知是那星

精御宴千鍾飲蕃書一筆成宜哉杜工部不錯道  
騎鯨

又

誰氏子丹青毫端曲有靈矻如山忽墮爽似酒初  
醒天馬難攏勒仙房久閉扃若非如此輩何以傲  
彤庭

晚泊湘江作

烟浪漾秋色高吟似有隣一輪湘渚月萬古獨醒

人岸溼穿花遠風香禱廟頻祗應諛佞者到此不傷神

淮上逢故人

故園離亂後十載始逢君長恨南薰奏尋常只自聞荒窻秋見岳赤地夜生雲莫歎謀身晚中興正用文

讀杜工部集二首

造化拾無遺唯應杜甫詩豈非玄域橐一作奪得

古人旗日月精華薄山川氣槩卑古今吟不盡惆悵不同時

又

甫也道亦喪孤舟出蜀城彩毫終不擬白雪更能輕命薄相如命名齊李杜名不知耒陽令何以葬先生

題簡禪師院

機忘室亦空靜與沃州同唯有半庭竹能生竟日

風思山海上月出定印香終繼後傳衣者還須立  
雪中

讀劉得仁賈島集二首

二公俱作者其奈亦迂儒且有諸峰在何將一第  
吁句還如菡萏誰復贈襜褕想得重泉下依前與  
衆殊

又

役思曾衝尹多言阻國親桂枝何所直陋巷不勝

貧馬病唯湯雪門荒劣有人伊余吟亦苦爲爾一  
眉頰

天台老僧一首

獨住無人處松龕岳雪侵僧中九十臘雲外一生  
心白髮垂不剃青眸笑更深猶能指孤月爲我暫  
開襟

經費隱君舊宅

巉巖玉九株秀溼掩蒼梧祥瑞久不出羲軒消得



無雨和高瀑濁燒燿大楮枯到此思歸去迢迢隔五湖

秋末懷舊山

昔住匡廬北無人知姓名侵雲收穀粟引蟻上柑橙寒雨雪兼落枯林虎獨行誰能將白髮共向此中生

春過鄱陽湖

百慮片帆下風波極目看吳山兼鳥沒楚色入衣

寒過此愁人處始知行路難夕陽沙島上回首一長歎

寄僧野和尚

鳥一作鳥外更誰親諸峰卽四隣白頭寒枕石青衲

爛無塵橡栗堆行逕猿猴遶定身儻然重結社願作掃壇人

寄馮使君

端居碧雲暮好鳥啼紅芳滿郭桃李熟捲簾風雨

香清吟繡段句默念芙蓉章未得歸山去頻升謝  
守堂

寄紫閣隱者

積翠藏一叟常思未得遊不知在巖下爲復在峰  
頭苔上枯藤口泉淋破石樓伊余更何事不學此  
翁休

寄天台道友

大是清虛地高吟到日晡水聲金磬亂雲片玉盤

龕仙有遺蹤在人還得意無石碑文不直壁畫色  
多枯冷立千年鶴閒燒六一爐松枝垂似物山勢  
秀難圖紫府程非遠清溪逕不迂馨香柏上露皎  
潔水中珠賢聖無他術圓融只在吾寄言桐柏子  
珍重保之乎

旅中懷孫路

暮烟微雨收蟬急楚鄉秋一片月上海幾家人上  
樓砌香殘果落汀艸宿烟浮唯有知音者相思歌

白頭

貽世

至理不誤物悠悠自不明黃金燒欲盡白髮火邊  
生苦惑神仙讖難收日月精捕風兼繫影信矣不  
須爭

覽李秀才卷

香沐整山衣開君一軸詩吟當秋景苦味出雪林  
遲經濟幾人到工夫兩鬢知因嗟和氏淚不是等

聞垂

懷方干張爲

冥搜入仙窟半夜水堂前吾道祇如此古人多亦  
然螢沉荒塢霧月苦綠梧蟬因憶垂綸者滄浪何  
處邊

四皓圖

何人圖四皓如語話嘮嘮雙鬢雪相似是誰年最  
高溪苔連豹褥仙酒汙雲袍想得忘秦日伊余亦

合逃

懷白閣道侶

寒思白閣層石屋兩三僧斜雪掃不盡饑猿喚得  
磨香燃一字火磬過數潭冰終必相尋去孤懷久  
不勝

讀孟郊集

東野子何之詩人始見詩清剝霜雪髓吟動鬼神  
司舉世言多媚無人師此師因知吾道後冷淡亦

如斯

懷四明亮公

孤峰含紫烟師住此安禪不下便不一作石下如斯

太可憐坐侵天井黑吟久海霞蕪豈覓塵埃裏干  
戈已十年

秋過錢塘江

巨浸東隅極山吞大野平因知吳相恨不盡海濤  
聲黑氣騰蛟窟秋雲入戰城遊人千萬里過此白

髭生

上俞許二判官

近拋蓑笠者急善遇休明未省親宗伯焉能識正  
聲病容經夏在岳夢入秋并無限林中意今逢許  
郭傾

懷劉得仁

詩名動帝畿身謝亦因詩白日只如哭皇天得不  
知旅墳孤躡岳羸僕泣如兒多少求名者聞之淚

盡垂

雁月集卷七 終

海虞毛晉訂



禪月集卷八

五言律詩三十一首

歸故林後寄二三知己

昨別楚江邊，逡巡早數年。詩雖清到後，人更瘦於

前。岸翠連喬嶽，汀沙入壤

一作  
壤

田。何時重一見，談

笑有茶烟。

春寄西山陳陶

搔首復搔首，孤懷艸萋萋。春光已滿目，君在西山



西壑水成文去庭柯擊翠低所思不可見黃鳥花  
中啼

秋末江行

四顧水落盡扁舟增所思雲衝遠燒出帆轉大荒  
遲天際霜雪作水邊蒿艾衰斷猿不堪聽一聽亦  
同悲

送人歸新羅

昨夜西風起送君歸故鄉積愁窮地角見日上扶

桑海氣生初霽潮痕匝亂荒從茲頭各白魂夢一  
相望

忌匡山賈匡

山兄詩癖甚寒夜更何爲覓句唯頑坐巖霜打不  
知石膏粘木屐崖蜜落冰池近見禪僧說生涯勝  
往時

偶作

十載獨扃扉唯爲二雅詩道孤終不雜頭白更何



疑句冷杉松與霜嚴鼓角知修心對閒境明月印  
秋池

贈方干

盛名與高隱合近謝敷村弟子已得桂先生猶灌  
園垂綸侵海介拾句歷雲根白日昇天路如君別

有門

弟子謂李頻也

漁父

一葉一竿竹眉鬚雪欲零陸應無祖業香必是伊

腥兒亦名魚鷓歌稱我一作爾洞庭回頭深自媿舊  
業近滄溟

題友人山居

卜居隣塢寺魂夢又相關鶴本如雲白君初似我  
閒月明僧渡水木落火連山從此天台約來茲未  
得還

寄宋使君

寺倚烏龍腹窻中見碧稜空廊人畫祖古殿鶴窺

燈風吼深松雪鑪寒一鼎冰唯應謝內史知此道  
心澄

懷武夷紅石子二首

常思紅石子獨自住山椒窗外猩猩語鑪中姪姪  
嬌乳香諸洞滴地秀衆峰朝曾見奇人說烟霞恨  
太遙

又

弋者終何慕高吟坐綠鰲燒侵薑芋窖僧與水雲

袍竹鞘畚刀缺松枝獵箭牢何時一相見清話擘  
蟠桃

送人征蠻

七縱七擒處君行事可攀亦知磨一劍不獨定諸  
蠻樹盡低銅柱潮常沸火山各須麟閣上好去及  
瓜還

懷周朴張爲

二子無消息多應各自耕巴江思杜甫漳水憶劉

禎白髮應全白生涯作麼生寄書多不達空念重  
行行

寄令狐郎中

雨打繁暑盡放懷步微涼綠苔狂似人入我白玉  
堂塹鳥眠堪畫庭檉夜益香唯應藥宮子時到虎  
溪傍

鄱陽道中作

鄱陽古岸邊無一樹無蟬路轉他山大砧驅鄉思

偏湖平帆盡落天淡月初圓何事堯雲下干戈滿  
許田

歸故林別知己

別離無古今柳色向人深萬里長江水平生不印  
心遠書容北鴈贈別謝南金愧勉青雲志余懷非  
陸沉

送僧遊天台

囊空心亦空城郭去騰騰眼作麼是眼僧誰識此

僧歇隍紅樹久笑看白雲崩已有天台約深秋必  
共登

詠竹根斲子

出處慚林藪才微幸一陽不緣懷片善豈得近馨  
香節亦因人淨聲從擲地彰但令筋力在永願保  
時昌

硯瓦

淺薄雖頑朴其如近筆端低心蒙潤久入匣更身

安應念研磨苦無爲瓦礫看儻然仁不棄還可比  
琅玕

水壺子

良匠曾陶瑩多居筆硯中一從親几案常恐近兒  
童卓立澄心久提攜注意通不應嫌器小還有濟  
人功

筆

莫訝書紳苦功成在一毫自從蒙管錄便覺用心

補月集 六  
勞手點時難棄身閒架亦高何妨成五色永願助  
風騷

碁

碁信無聲樂偏宜境寂寥著高圖暗合勢王氣彌  
驕人事掀天盡光陰動地銷因知韋氏論不獨爲  
吳朝

夜對雪作寄友生

皓彩中宵合開門失所蹤何年今夜意共子在孤

峰氣射燈花落光侵壁罅濃唯君心似我吟到五  
更鐘

題惠琮律師院

苦節兼青目公卿話有餘唯傳黃葉喻還似白泉  
居猿撥孤雲破鍾撞衆木疎社壇蹤跡在重結復  
何如

寄清泠山道人

常憶清泠子深雲種早禾萬緣雖不涉一句子如

何蹤跡諸峰匝衣裳老風多江頭無事也終必到  
烟蘿

秋盡途中作

行行芳艸歇潭島葉紛紛山色路無盡砧聲客強  
聞殘陽曜極野黑水浸空墳那得無鄉思前程入  
楚雲

秋居寄王相公三首

禪林蟬口落地燥可生苔好句慵收拾清風作麼

來餅唯飡喜悅社已得宗雷還似山中日柴門更  
不開

又

松聲高似瀑藥熟色如花誰道全無病時猶不在  
家

逐六塵名  
不在家也

山童春菽粉園叟送銀瓜誰訪孫弘

閣談玄到日斜

又

氣與非常合常人爭得知直須窮到底始是出家

兒閣雀銜紅粟鄰僧背古碑  
祗應王與謝時有沃州期

讀玄宗幸蜀記

宋璟姚崇死中庸遂變移  
如何遊萬里祗爲一胡兒  
泣濕乾坤色飄零日月旗  
火從龍闕起淚向馬嵬垂  
始憶張丞相全師郭子儀  
百官皆剽劫九廟盡崩隳  
塵撲銀輪暗雷奔棧閣危  
倖臣方賜死野老不勝悲

時有群叟遮道泣見于上

及雷飄淪日行宮寂寞時

人心雖未厭天意亦難知  
聖兩歸丹禁承乾動四夷  
因知納諫諍始是太平基

禪月集卷八終

海虞毛晉訂



國家圖書館, NATIONAL CENTRAL LIBRARY, TAIWAN, R.O.C.



禪月集卷九

五言律詩三十二首

聞徵四處士

一詔群公起移山四海聞  
因知丈夫事須佐聖明  
君白酒全傾龕蒲輪半載雲  
從茲居諫署筆硯幾  
人焚

送友人下第遊邊

失意窮邊去孤城值晚春  
黑山霞不赤白日鬼隨

人角咽胡風緊沙昏積月新明時至公在迴首莫  
因循

寄匡山紀公

錦繡谷中人相思入夢頻寄言無別事琢句似終  
身書卷須求旨鬚根易得銀斯言如不惑千里亦  
相親

聞無相道人順世五首

一事不經營孤峰長老情惟食橡子餅愛說道君

兄池滿香狸掘山神白日行又聞行脚也何處化  
群生

又

自昔尋師日顛峰絕頂頭雖聞不相似特地使人  
愁庭樹雪摧殘上有白獼猴大哉法中龍去去不  
可留

又

嘗思將道者高論地壚傍迂談無世味夜深山木

蕭月集 三  
僵下山遭離亂多病惟深藏一別三十年烟水空  
茫茫

又

石霜既順世吾師亦不住杉桂有猩猩糠粃無句  
句土肥多孟蕨道老如櫻孺莫比優曇花斯人更  
難遇

又

百千萬億偈共他勿交涉所以那老人密傳與迦

葉吾師得此法不論劫不劫去矣不可留無踪若  
爲躡

苦熱

松桂枝不動陽鳥飛半天稻麻須結實沙石欲生  
烟毒氣仍干扇高枝不立蟬舊山多積雪歸去是  
何年

鄂渚贈祥公

寂寥堆積者自爲是高僧客遠何人識吟多冷病

增松烟青透壁雪氣細吹燈猶賴師于我依依非  
面朋

懷武昌樓一二首

嘗憶能吟一房連古帝墟無端多忤物惟我獨知  
淖病愈囊空後神清木落初祇因烽火起書札自  
茲疎

又

清風江上月霜洒月中砧得句先呈佛無人知此

心寂寥從鬼出蒼翠到門深唯有雙峰寺時時獨  
去尋

寒食郊外

寒食將吾族相隨過石溪塚花沾酒落林鳥學人  
啼白水穿蕪疾新霞出霧低不堪迴首望家在赤  
松西

送道士歸天台

道高留不住道去更何云舉世皆趨世如君始愛

君逕侵銀地滑瀑到石城聞它日如相憶金桃一  
爲分

經孟浩然鹿門舊居二首

孟子終焉處遊人得得過  
樅深黃狖小地煥白雲  
多孔聖嗟大謬玄宗爭奈何  
空餘峴山色千古共  
嵯峨

又

花落谷鶯啼精靈安在哉  
青山不可問永日獨徘徊

徊塚穴應藏虎荒碑祇見苔  
伊余亦惆悵昨日郢  
城迴

春送禪師歸閩中

春色滿三湘送師還故鄉  
穿鴉逢黑鴉乞食得紅  
薑大化宗門闢孤禪  
海樹涼儻爲新句偈寄我亦  
何妨

途中逢周朴

東西南北路相遇共興衰  
世濁無知己子從何處

來菊衰芳艸在程遠宿烟開儻遇中興主還應不  
用媒

避寇山中作

山翠碧嵯峨攀牽去者多淺深俱得地好惡未知  
它有草皆爲戶無人不荷戈相逢空悵望更有好  
時麼

避寇上唐臺山

蒼黃緣鳥道峰脅見樓臺檉桂香皆滴烟霞溼不

開僧高眉半白山老石多摧莫問塵中事如今正  
可哀

題嶧桐律師院

律中麟角者高淡出塵埃芳艸不曾觸幾生如此  
來壑風吹磬斷杉露滴花開如結林中社伊余亦  
願陪

上馮使君渡水僧障子

跣足挂巴藤潺湲渡幾曾盡權無著印不是等閒

僧熊耳應初到牛頭始去登畫來偏覺好將寄柳

吳興

秋夜翫月懷玉霄道士

光異磨礪出輪非雕斲成今宵剛道別舉世勿人  
爭征婦砧添怨詩人哭到明惟宜華頂叟笙磬有  
餘聲

上杭州令狐使君

顏冉德無鄰分憂浙水濱愛山成大癖求瘼似諸

身視事奸回盡登樓海岳春野人如有幸應得見

陶鈞

懷諸葛珏一作二首

諸葛子作者詩曾我細看出山因覓孟踏雪去尋

韓遇孟郊韓愈于洛下謬獨哭不錯諸葛云思牽吳岫起吟索剡雲開常流

飲實難諸葛曾為僧名然有詩云到處自鑿井不能飲常流知音知便了歸

去舊江干

又

羸馬與羸童微吟冒北風店孤僧共歇日落思無窮囊草無非刺魏人那識公投魏不遇而去鷲花五陵道去去與誰同

懷錢唐羅隱章魯封

二子依公子雞鳴狗盜徒青雲十上苦白髮一莖無風澀潮聲惡天寒角韻孤別離千萬里何以慰榮枯

送沈侍郎

從知無遠近木落去閩城地入無諸俗冠峩甲乙精山多高興亂江直好風生儉府清無事唯應薦禰衡

題宿禪師院

身閒心亦然如此已多年語淡不著物茶香別有泉古衣和蘚衲新偈幾人傳時說秋歸夢孤峰在海邊

秋晚泊石頭驛有寄



蕭索漳江北何人慰寂寥北風人獨立南國信空  
遙燒塢新雲白漁家衆木凋所思不可見行鴈在  
青霄

別盧使君

杜宇聲聲急行行楚水濱道無裨政化行處傲孤  
雲幸到膺門下頻蒙俸粟分詩雖曾引玉棊數中  
埋軍山好還尋去恩深豈易云扇風千里泰車雨  
九重聞晴霧和花氣危檣鼓浪文終期陶鑄日再

見信陵君

秋夜吟

如愚復愛詩木落卽眠遲思苦香消盡更深筆尚  
隨饑童春赤黍繁露洒烏裊看却龍鐘也歸山是  
底時

禪月集卷九終

海虞毛晉訂



國家圖書館, NATIONAL CENTRAL LIBRARY, TAIWAN, R.O.C.

禪月集卷十

五言律詩三十一首

桐江閒居作十二首

木落雨翛翛  
桐江古岸頭  
擬歸仙掌去  
剛被謝公留  
猛燒侵茶塢  
殘霞照角樓  
坐來還有意  
流水面前流

又

香刹通真觀  
樓臺倚郡城  
陰森古樹氣  
龕淡老僧

情壁畫連山潤仙鐘扣月清何須結西社大道本無生

又

靜室焚檀印深鑪燒鐵瓶茶和阿魏煖火種柏根  
馨數隻飛來鶴成堆讀了經何妨似支遁騎馬入青冥

又

不問賡桑子唯師妙吉祥等閒眠片石不覺到斜

陽獨自收楮葉教童採柏瓢王孫莫指笑淡泊味還長

又

詩琢冰成句多將大道論人誰知此意日日祇關門乳鼠穿荒壁溪龜上淨盆因知無事貴言外更無言

又

紅黍飯溪苔清吟茗數杯祇應唯道在無意俟時

來樹疊藏仙洞山蒸足爆雷從他嫌復笑門更不曾開

又

蟬急野蕭蕭山中信屢招廚香烹菌朮詩口口瓊  
瑤諸境教人認荒榛引燒燒吾皇禮金骨誰口美  
南朝

又

露滴滴蘅茅秋成爽氣交霜裊如蜜裹口口似鹽

苞浮蘚侵蟲穴微陽落鶴巢還如山裏日門更絕  
人敲

又

壑鳥毛衣別頻來似愛吟蕭條秋病後斑駁綠苔  
深珠翠籠金像風泉洒玉琴孰知吾所適終不是  
心心

又

芙蓉峰裏居關閉復何如白獾兼花鹿多年不見

瀑紅泉香滴瀝丹桂冷扶疎唯有西溪叟時時到  
弊廬

又

憶在山中日爲僧髻欲衰一燈常到曉十載不離  
師水汲冰溪滑鐘撞雪閣危從來多自省不學擬  
何爲

又

囊非撲滿器門更絕人過土井連崗冷風簾迸葉

多村童頑似鐵山菜硬如莎唯有前山色窻中無  
奈何

寄馮使君

山風與霜氣浩浩滿松枝永日燒杉子無人共此  
時爲文攀諷諫得道在毫釐唯有桐江守常怜志  
不卑

經棲白舊院二首

竺卿何處去觸目盡淒涼不見中秋月空餘一炷

香殘花飄暮雨枯葉盡啼螿誰禮新墳塔蕭條渭水傍

又

國寶還亡一時多李德林故人卿相泣承製渥恩  
深舊藁誰收得空堂影似吟徘徊不能去寒日下  
西岑

贈李祐道人

闢葺復埃塵難親復易親皆疑有仙術問著却愁

人祇是耽浮蟻曾云見泣麟相逢先合手渾似有  
前因

贈景和尚院

藏經看幾遍眉有數條霜萬境心都泯深冬日亦  
長窻虛花木氣納掛水雲鄉時說秋歸夢峰頭雪  
滿床

上宋使君

折桂文如錦分憂力若春位高空倚命詩妙古無

人有感禾爭熟無私吏盡貧野人如有幸應得見  
陶鈞

離亂後寄九峰和尚二首

亂後知深隱菴應近石樓異香因雪歇仙果落池  
浮詩老全拋格心空未到頭還應嫌笑我世路獨  
悠悠

又

蕭洒復蕭洒松根獨據梧瀑冰吟次折遠燒坐來

無老櫻寒披衲孤雲靜入廚不知知我否已到不

區區

送王賓于赴舉

冬暮雨霏霏行人喜可稀二階口夜雪亞聖在春  
闈馬疾頑童遠山荒凍葉飛口師無一事應見麗  
龜歸

題靈溪暢公

境清僧格冷新斬古林開舊隱還如此今人來又



來嵐飛粘似霧茶好碧於苔但使心清淨從渠歲月催

送高九經赴舉

回也曾言志明君則事之中興今若此須去更何疑志列秋霜好忠言劇諫奇

志列忠言皆舊人也

陸機遊洛

日文舉薦衡時虎跡商山雪雲痕岳廟碑夫

一作憑

君將潦倒一說向深知

東西二林寺流水

水爾何如此區區矻矻流墻墻邊瀝瀝砌砌下啾啾味不卑於乳聲常占得秋崩騰成大瀑落托出深溝遠歷神仙窟高淋竹樹頭數家春碓磴幾處浴猿猴共月穿峰罅喧僧睡石樓派通天宇濶雷入楚江浮爲潤知何極無邊始自由好歸江海裏長負濟川舟

送王貞白重試東歸

心苦酬心了東歸謝所知可憐重試者如折兩三

枝雨毒逢花少山多疑馬遲此行三可羨正值倒  
戈時

早秋卽事寄馮使君

金脈火初微開門竹杖隨此身全是病今日更嗔  
誰落葉崢嶸處諸峰爽拔時唯思棠樹下高論入  
圓伊

贈景和尚院

貌古眉如雪看經二十霜尋常對詩客祇勸療心

瘡炭火邕湖澄山情紫竹涼怡然無一事流水自  
湯湯

寄西湖胡汾

待價欲要君山前獨灌園雖然未識面要且已消  
魂鹿睡紅霞影泉淋白石門伊余心更苦何日共  
深論

題師穎和尚院

師院清無敵師心智不知臘高清眼細閒甚白雲

卑煑茗燃楓柝泥墻札祖碑愛師終不及謾佳許  
多時

遊雲頂山晚望

雲頂聊一望山靈艸木奇黔南在何處堪笑復堪  
悲菊歇香未歇露繁蟬不饑明朝又西去鑄水與  
峨眉

劉相公見訪

千騎擁朱輪香塵豈是塵如何補袞服來看衲衣

人莊叟因先覺空王有宿因對花無俗態愛竹見  
天真欹枕松窗迥題墻道意新戒師慚匪什都講  
更勝詢桃熟多紅墨茶香有碧筋高宗多不寐終  
是夢中人

禪月集卷十 終

母虞毛晉訂



國家圖書館, NATIONAL CENTRAL LIBRARY, TAIWAN, R.O.C.

禪月集卷十一

五言律詩三十二首

寄赤松舒道士二首

不見高人久空令鄙恡多遙思青嶂下無那白雲  
何子愛寒山子歌惟樂道歌會應陪太守一日到  
烟蘿

又

余亦如君也詩魔不敢魔一食兼午睡萬事不如

他雨陣衝溪月蛛絲繡砌莎近知山果熟還擬寄  
來麼

鄂渚逢楊贊禹

流浪兵荒苦相思歲月闌理惟通至道人或謂無  
端燒猛湖烟赤窻空雪月寒知音不可見始爲一  
吟看

別性空禪師

積翠迸一瀑紅霞碧霧開方尋此境去莫問幾時

迴盪漿入檐石思詩聞早雷唯師心似我欲近不  
燃灰

送胡處士

不名兼不利相遇海西濱白字未干髮清時錯愛  
雲頭巾多酒氣竹杖有苔文久積希顏意林中又  
送君

寄瀾公二首

小一頭應白孤高住歛城不知安樂否何以近無

生師常供養十六羅漢梵語云無生燒逼鴻行側風乾雪朕清途  
中逢此信珍重未精誠

又

荒亂拋深隱飄零遠寓居片雲無定所得力是逢  
瀑光洞山道人云吾師獨自往處處得逢渠瀑澗群公社江崩古帝墟  
終期再相見招手復何如

寄棲一上人

花塹接滄洲陰雲閉楚丘雨聲雖到夜吟味不如

秋古屋藏花鴿荒園聚亂流無機心便是何用話  
歸休

送僧之湖南

湘水萬餘里師遊芳艸生登山乞食後無伴入雲  
行宿雨和花落春牛擁霧耕不知今夜月何處聽  
猿聲

秋末寄張侍郎

靜坐一作處黔城北離仁半歲彊霧中紅黍熟燒後

白雲香多病如何好無心去始長寂寥還得句溪  
上寄三張

古塞曲三首

單于烽火動都護去天涯別賜黃金甲親臨白玉  
除堦塞垣須靜謐師旅審安危定遠條支寵如今

勝古時

又

方見將軍貴分明帶冕旒聖威如遠被狂虜不難

收臣節唯期死功勳敢望侯終辭脩里第從此出

皇州

又

百萬精兵動參差便渡遼如何好白日亦照此天  
驕遠樹深疑賊驚蓬迴似鷗凱歌何日唱磧路共  
天遙

古塞下曲七首

下營依遁甲分帥祀河隍地使人心惡風吹旗燄



荒搜山得探卒放火獵黃羊唯有南飛鴈聲聲斷  
客腸

又

歸去是何年山連邏沙川蒼黃曾戰地空濶養鷗  
天旗插蒸沙堡捨擔卓槩泉蕭條寒日落號令徹  
窮邊

又

虜寇日相持如龍馬不肥突圍金甲破趁賊鐵槍

飛漢月堂堂上胡雲慘慘微黃河水已合猶未送  
征衣

又

南北惟堪恨東西實可嗟常飛侵夏雪何處有人  
家風刮陰山薄河推大岸斜祗應寒夜夢時見故  
園花

又

不是將軍虜胡兵豈易當雨曾淋火陣箭又中金

瘡鐵嶺全無土豺群亦有狼因思無戰日天子是  
陶唐

又

榆葉飄蕭盡關防烽寨重寒來知馬疾戰後覺人  
兇燒逐飛蓬死沙生毒霧濃誰能奏明主功業已  
堪封

又

萬戰千征地蒼茫古塞明陰兵爲客祟惡酒發刀

痕風落崑崙石河崩首宿根將軍更移帳日日近

西蕃

嶺一作崩

古塞上曲七首

幽并兒百萬百戰未曾輸蕃界已深入將軍仍遠  
圖月明風拔帳磧暗鬼騎狐但有東歸日甘從筋  
力枯

又

中軍殺白馬白日祭蒼蒼號變旗幡亂

一作乾沙

艸木黃朔雲含凍雨枯骨放妖光故國今何處參  
差近鬼方

又

白鴈兼羌笛幾年垂淚聽陰風吹殺氣永日在青  
冥遠戍秋添將邊烽夜雜星嫋姚頭半白猶自看  
兵經

又

久雨始無塵邊聲四散聞浸河荒寨柱吹角白頭

軍戰馬齧羶草烏鳶識陣雲征人心力盡枯骨更  
遭焚

又

帳幕侵奚界憑陵未可涯擒生行別路尋箭向平  
沙赤落蒲桃葉香微甘艸花不堪登隴望白日又  
西斜

又

地角天涯外神號鬼哭邊大河流敗卒寒日照蒼

烟殺氣諸蕃動軍書一箭傳將軍莫惆悵高處勒  
燕然

又

山接胡奴水河連勃勃城數州今已伏此命豈堪  
輕磧吼旄頭落風乾刁斗清因嗟李陵苦祗得沒  
蕃名

古出塞曲三首

掃盡狂胡迹迴頭望故關相逢惟死鬪豈易得生

還縱宴參胡樂收兵過雪山不封十萬戶此事亦  
應閒

又

玉帳將軍意勤殷把酒論功高寧在我陣沒與招  
魂塞色干戈束軍容喜氣屯男兒今始是讞出玉

關門

又

回首隴山頭天連草木秋聖君應入夢半路遣封

侯水不擔陰雪柴令倒成樓歸來麟閣上春色滿  
皇州

聞赤松舒道士下世

東陽口  
前相別

地變賢人喪瘡痍不可觀一聞消息苦千種破除  
難陰德那虛擲深山近始安玄關評兔角玉器琢  
雞冠傲野高難狎融怡美不殫冀迎新渥澤遽逐  
逝波瀾蛻殼埋金隧飛情駕錦鸞傾摧千仞壁枯  
歇一株蘭仙廟詩雖一作繼苔墻篆必烟霞成

片黯松桂著犴乾影挂溪流咽堂扃隙月寒寂寥  
遺藥犬縹緲想瓊竿伊昔相尋遠留連幾盡歡論  
詩花作席灸菌葉爲盤彭伉心相似承禎趣一般  
琴彈溪月側碁次砌雲殘儵忽成千古飄零見百  
端荆襄春浩浩吳越浪漫漫已矣紅霞子空留白  
石壇無絃亦須絕回首一長歎

贈抱麻劉舍人

郡政今良吏門風古縉紳萬年唐社稷一個哭麻

人憤烈身先死敷敷氣益貞天乎資大寶泰矣見  
 忠臣得罪鍾多故投荒豈是迤玉寒方重澀松古  
 更青皴鵬鷲寧唯白龍多豈止苟道孤梳有雪恩  
 重淚盈巾喻蜀須憑艸成周必仗仁三峰宵旰切  
 萬里渥恩新賦鵬言無累依劉德有鄰風欺仁祖  
 帽鼠訝史雲塵禪叟知何幸玄談有宿因雙溪逢  
 陸海東陽見故浙西侍郎荆渚遇平津江陵見吏部相公落日愁聞  
 笛何人爲吐茵生徒希匠化寰海仰經綸疾愈蟬

聲老時公在荊州間居夏疾方可年豐雨滴頻劉虬師弟子時

喜一相親

禪月集

十一

終

禪月集卷十一終

海虞毛晉訂



禪月集卷十二

五言律詩三十一首

夜寒寄盧給事二首

刻羽流商否霜風動地吹  
邇來唯自惜知合是誰  
知灑雪消難盡鄰僧睡太奇  
知音不可得始爲一  
吟之

又

心苦味不苦世衰吾道微  
清如吞雪電誰把比珠



璣作者相收拾常人任是非舊居滄海上歸去卽  
應歸

送葉蒙赴舉

年年屈復屈惆悵曲江湄自古身榮者多非年少  
時空囊投刺遠大雪入關遲來歲還公道平人不  
用疑

聞王慥常侍卒三首

世亂君巡狩清賢又告亡星厓皆有角日月略無

光金柱連天折瑤階被賊荒令人轉惆悵無路問

蒼蒼

又

宗社運微衰山摧甘井枯不知千載後更有此人  
無政入龔黃甲詩輕沈宋徒受恩酬未得不覺祗  
長吁

又

儻在扶天步重興古國風還如齊晏子再見狄梁

公棠樹梅溪北

公為婺州大理梅溪婺之亭名

佳城舜廟東誰脩

循吏傳對此莫念念

秋晚野步

藤屨兼閩竹吟行一水傍樹涼蟬不少溪斷路多  
荒燒岳陰風起田家濁酒香登高吟更苦微月出  
蒼茫

聞大願和尚順世三首

王室今如燬仍聞喪我師古容圖得否內院去無

疑

大師行高德廣必生彌勒內院

岳鬼月中哭松龕雪次隳直須

文五色始可立高碑

又

鄴衛松杉外芝蘭季孟間盡希重詔出祗待六龍  
還不疾成千古令焚動四山感恩終有淚遙寄水  
潺潺

又

師稟盡名卿孤峰老稱情若遊三點外爭把七賢

平苦霧埋空室啼猿有咽聲今朝益惆悵曾沐下

床迎

愚常念法華經師見卽下床迎云吾不敢以衆人相待也

聞葉蒙及第

憶昨送君詩平人不用疑吾徒若不得天道卽應  
私塵土茫茫曉麟龍艸艸騎相思不可見又是落  
花時

送僧之靈夏

舊識爲邊帥師遊勝事兼連天唯白草野餅有紅

鹽蕃近風多教河渾磧半淹因知心似月處處有  
人瞻

書無相道人菴

造化太茫茫端居紫石房心遺無句句頂剃有霜

霜白鹿眠枯葉清泉洒毳囊寄言疑未決

一作須已

道雪溪旁

明進士北齋避暑

相訪多衝雨由來德有鄰卷簾繁暑退溼樹一蟬

新道在誰爲主吾衰自有因  
祇應江海上還作狎鷗人

晚春寄吳融于競二侍郎

白頭爲遠客常憶白雲間  
祇覺老轉老不知閑是  
閑花含宜細雨室冷是深山  
唯有霜臺客依依是  
往還

喜不思上人來

沃州那不住一別許多時  
幾度懷君夜相逢出夢

遲瓶擔千丈瀑偈是七言詩  
若向羅浮去伊余亦願隨

秋懷赤松道士

仙觀在雲端相思星斗闌  
常怜呼鶴易却恨見君  
難石罅青虵溼風裡白菌乾  
終期花月下壇上聽君彈

送劉逖赴閩辟

離亂生涯盡依劉是見機  
從來吟太苦不得力還

稀路入閩山熱江浮瘴雨肥何須折楊柳相送已  
依依

苦雨中作

通宵復連夕其狀祇如傾却遣思山者忽然嫌水  
聲好花飄艸盡古壁欲雲生不奈天難問迢迢遠  
客情

送僧歸日本

焚香祝海靈開眼夢中行得達卽便是無生可作

輕流黃山火著碇石索雷鳴想到夷王禮還爲上

寺迎

有僧遊日本云彼祇有三寺上寺名兜率國  
王供養中寺名倂士上極品官人供養下寺  
名祇上寺風俗供養  
有德行卽漸遷上也

贈信安鄭道人

貌古似蒼鶴心清如鼎湖仍聞得新義便欲註陰  
符默坐詩常有閒行影漸無杳兮中便是應不食

菖蒲

送吏部劉相公除東川

帝念梓州民年年戰伐頻山川無艸木烽火沒烟  
塵政亂皆因亂安人必籍仁皇天開白日殷鼎輟  
誠臣一日離君側千官送渭濱酒傾紅琥珀馬控  
白騏驎渥澤番番降壺漿處處陳旌幢山色溼邛  
夔鳥啼新帘幕還名儉良醫始姓秦軍雄城似岳  
地變物含春白必侵雙鬢清應誠四鄰吾皇重命  
相更合是何人

送智光禪伯

萬事歸一衲曹溪初去尋從來相狎輩盡不是知  
音乞食林花落穿雲翠巘深終希重一見示我祖  
師心

夜對雪寄杜使君

片片含天意紛紛勢莫拘洒於諸瑞後時有柏樹  
再生甘露  
頻憂恐一冬無鶴鶩聲偏密風焦片益麓冷牽人  
夢轉清逼瘴根徂掃徑僧傾笠爲詩士棄鑪橋高  
銀蟾竦峰峻玉浮圖盈尺何須問豐年已可口遙

思郢中曲句句出冰壺

送王穀及第後歸江西

太宗羅俊彥桂玉比光輝難得終須得言歸始是  
歸風帆天際吼金鶚月中飛五府如交碎魚書莫  
便稀

送盧瞻罷廬陵幕歸闕鄉

文行成身事從知貴得仁歸來還寂寞何以慰交  
親芳艸色似動胡桃花又新昌朝有知己好作諫

垣臣

避寇白沙驛作

避亂無深淺蒼黃古驛東草枯牛尚齧霞溼燒微  
紅口口口口口人愁處處同猶逢好時否孤坐雪  
濛濛

聞李頻員外卒

蒼蒼難可問問答亦難聞落葉平津岸愁人李使  
君文章應力竭茅土始天分又逐東風去迢迢隔

嶺雲

江陵寄翰林韓偓學士

久住荆溪北禪關掛綠蘿風清閒客去睡美落花  
多萬事皆妨道孤峰謾憶他新詩舊知已始爲味  
如何

閒居作

閒門微雪下慵惰計全成默坐便終日孤峰祇此  
清身心閒少夢杉竹冷多聲唯有西峰叟相逢眼

最明

和韋相公見示閒臥

刻形求得相事事未嘗眠霖雨方爲雨非烟豈是  
烟童收庭樹果風曳案頭牋仲虺專爲誥何克雅  
愛禪靜嫌山色遠病是酒盃偏蝸響初穿壁蘭芽  
半出甑堂懸金粟像

相公常供養  
維摩居士

門枕御溝泉旦

沐雖頻握融帷孰敢褻德高群彥表善植幾生前  
脩補烏皮几深藏子敬瓊扶持千載聖蕭洒一聲



蟬碁陣連殘月僧文似大顛

韓吏部重  
大顛禪師

常知生似

幻維重直如弦餅憶尊羹美茶思岳瀑煎祗聞溫  
樹譽堪比竹林賢脫穎三千士馨香四十年寬平  
開義路淡泞潤清田哲后知如子空王夙有緣對  
歸香滿袖吟次月當川休說慙如捷堯天卽梵天

禪月集卷十二終

海虞毛晉訂

禪月集卷十三

五言律詩三十二首

寄山中仇禪師

舉世遭心使吾師獨使心萬緣冥目盡一句不言  
深野火燒禪石殘霞照栗林秋風溪上路終願一  
相尋

秋寄栖一

一別一公後相思時一吁眼中瘡校未般若偈持

無

公時有眼瘡因  
為之念多心經

卷句冰團大鑪烟櫪檝麓勸君

君記取不用更他圖

懷匡山山長二首

白石峰之半先生好在麼捲簾當大瀑常恨不如  
他杉鱗龍涎溢潭坳石髮多吾皇搜艸澤爭奈謝  
安何

又

見說面前峰尋常醉亦登雨餘多菌出燒甚古崖

崩覓句曾衝虎耕田半爲僧聞名多歲也常恨不  
飛騰

懷高真動二首

知爾今何處孤高獨不群論詩唯許我窮易到無  
文貫酒兒穿雪尋僧月照雲何時再相見兵寇尚  
紛紛

又

久別無消息今秋忽得書諸孤婚嫁苦求已世情

疎亂甚無喬木溪多不釣魚祇應金岳色如爾復  
如余

秋末入匡山船行八首

楚國茱萸月吳吟梨栗船遠遊無定所高臥是何  
年浪卷紛紛葉檣衝澹澹烟去心還自喜廬岳倚  
青天

又

蘆葦深花裏漁歌一曲長人心雖憶越帆態似浮

湘石獺銜魚白汀茅浸浪黃等閒千萬里道在亦  
無妨

又

島上離家化茅茨竹戶開黃桑雙鵲喜白日有誰  
來擔浪澆秋芋緣灘取淨苔回頭深自愧舊業本  
蒿萊

又

匡阜層層翠脩江疊疊波從來未曾到此去復如

何水廟寒鴉集沙村夕照多誰知垂釣者孤坐鬢  
皤皤

又

晚泊蒼茫浦風微浪亦麤估喧如亥合檣密似林  
枯地峻湖無口潮寒蚌有珠東西無定所何用問  
前途

又

島香思賈島江碧憶清江囊橐誰相似饒慵世少

雙鼉驚入窟月燒到繫船樁謾有歸鄉夢前頭是  
楚邦

又

南北雖無適東西亦似萍霞根生石片象跡壞沙  
汀隱隱兼葭赤微微蜃蛤腥因思范蠡輩未免亦  
飄零

又

曉色千檣去長江八月時雨淙山骨出捍擗岸形

卑野水畚田黑荒汀獨鳥癡如今是清世誰道出  
山遲

送僧歸華山

心枯衲亦枯歸岳揭空盂七貴留不住孤雲出更  
孤燒灰猶湯足雪片側粘鬚他日如相覓還應道  
到吳

送友人之嶺外

五嶺難爲客君遊早晚回一囊秋課苦萬里瘴雲

開金柱根應動風雷舶欲來明時好口進莫滯長  
卿才

送盧舍人朝覲

羶行無爲日垂衣帝道亨聖真千載聖明必萬年  
明重德須朝覲流年不可輕洪才傳出世清甲得  
高名罕玉藏無映嵇松畫不成起銜軒后勅醉別  
亞夫營燒濶荊州熟霞新峴首晴重重堯雨露去  
去漢公卿白髮應從白清貧但更清夢緣丹陛險

春傍綠衣生既握鍾絲筆須調傳說美倘因星使  
出一望問支鏗

上馮使君山水障子

憶山歸未得畫出亦堪憐崩岸全隳路荒村半有  
烟筆勾崗勢轉墨捨燒痕顛遠浦深通海孤峰冷  
倚天柴棚坐逸士露茗煮紅泉繡與蓮峰竟威如  
劍閣牽石門關麈鹿氣候有神仙茅屋書窻小苔  
堦滴瀑圓松根擊石朽桂葉蝕霜鮮畫出欺王墨

擊將獻惠連新詩寧妄說舊隱實如然願似窻中  
列時聞大雅篇

送令狐煥赴闕

渚宮搖落日相送碧江湄陟也須爲相天平更贊  
誰風高檣力出霞熱鳥行遲此去多來客無忘慰  
所思

送吳融員外赴闕

漢文思賈傅賈傅遂生還今日又如此送君非等

閒雲寒猶惜雪燒猛似烹山應笑無機者騰騰天地間

送姚洎拾遺自江陵幕赴京

捧詔動征輪分飛楚水濱由來真廟器多作伏蒲人捨魯知非願朝天不話貧沙頭千騎送島上一蟬新莫使身侵貴無矜貴逼身玉階凝正色蘭苑漲芳塵鑾輅方離華車書漸似秦流年飄儵忽書札莫因循涼雨鳴紅葉非烟閉紫宸憑將西社意

一說向荀陳

送僧入石霜

舉世祇堪吁空知與道俱論心齊至聖對鏡破凡夫業王如雲合頭低似箭駟牛頭大師云猶口口起業業如雲俱合誰

云入地獄人頭向上也

三清徒妄想千載亦須臾唯我流陽

叟深雲領毳徒盡騎香白象皆握月明珠寂寞排松榻爛斑半雪鬚苔侵長者論嵐蝕祖師圖翠巘金鐘曉香林寶月孤皃皃齊白趾赫赫共洪鑪山



色鋤難盡松根踏欲無難評傳的的須到不區區  
 捺舍新羅瘦鑪烟榭柚麓燒畚平虎窟分瀑入香  
 廚師去情何切人閒事莫拘穿林宿古塚踏葉揭  
 空盂無事終無事令枯便合枯鳥窠和尚云無事無事為法道口云  
學向上事不入即須如枯口嫁也他年相覓在亦不是生蘇

送僧歸南康

殼殼學得律還鄉見苦情遠思芳艸盛不入楚山  
 行帆入汀烟健經吟戌月清到鄉同學輩應到顛

江迎

送陳秀才赴舉兼寄韓舍人

主聖臣賢日求名莫等閒直須詩似玉不用力如  
 山草白兵初息年豐駕已還憑將安養意一說向

曾顏

昔西社群公盡生安養安養西方也

送友人及第後歸台州

得桂為邊辟翩翩頗合宜嫖姚留不住畫錦已歸  
 遲島側山藏虎湖心浪撼碁終期華頂下共禮淥

身師

天台石橋有白道猷坐化身淥也

### 晚春寄張侍郎

遐想涪陵岸山花半已殘人心何以遣天步正艱

難

時昭宗立歧下

鳥聽黃袍小

黃袍禽也

城臨白帝寒應知窻

下夢日日到江干

### 寄景判官兼思州葉使君

獨住西峰半尋常欲下難石多桐屐鬢香甚藥花  
乾荏苒新鶯老窮通亦自寬髯參與短簿始爲一

吟看

### 送盧秀才應舉

幾載阻兵荒一名終不忘還衝猛風雪如畫冷朝

陽

時名畫李白王昌口常遣冷朝陽冒風雪入京

句好慵將出囊空却不

忙明年公道日去去必穿楊

### 聞新蟬寄桂雍

新蟬終夜叫嘒嘒隔溪瀆杜宇仍相雜故人聞不  
聞捲簾花動月冥目砌生雲終共謝時去西山鸞

鶴群

寄懷楚和尚二首

吾師師子兒而復貌瓌奇何得文明代不爲王者  
師鐵盂湯雪早石炭煮茶遲謾有參尋意因循到  
亂時

又

跳躑諸峰險徊翔萬里空爭將金鎖鎖那把玉籠  
籠印缺香崩火窻疎蝎喫風永懷今已矣吟坐雪

濛濛

和韋相公話婺州陳事

昔事堪惆悵談玄愛白牛法華經中以白牛喻大乘千場花下  
醉一片夢中遊耕避初平石燒殘沈約樓無因更  
重到且副濟川州

禪月集卷十三終

海虞毛晉訂



禪月集卷十四

五言律詩三十二首

遇五天僧入五臺五首

十萬里到此辛勤詎可論  
唯云吾上祖自買給孤園  
一月行沙磧三更到鐵門  
白頭鄉思在迴首一銷魂

又

雪嶺頂危坐乾坤  
四顧低河橫于闐  
北日落月支

西水石香多白猿猱老不啼空餘忍辱草相對色  
萋萋

又

遠禮清涼寺尋真似善才身心無所得日月不將  
來白疊還圖象滄溟亦泛盃唐人亦何幸處處覺  
花開

又

塗足油應盡乾陀帔半墮辟支迦狀貌利利帝家

兒結印魔應哭遊心聖不知深嗟頭已白白得遠  
相隨

又

送迎經幾國多化帝王心電激青蓮目環垂紫磨  
金眉根霜入細梵夾蠹相侵必似陀波利他年不  
可尋

經普化禪師影院

大一今何處登堂似昔時曾蒙金印印得異野干

兒影束龍神在門荒桐竹衰誰云續僧史別位著  
吾師

秋寄李頻使君二首

爲郎須塞詔當路亦驅驅貴不因人得清還似句  
無燒烟連野白山藥撈階枯想得徵黃詔如今已  
在途

又

務簡趣難陪清吟共綠苔葉和秋蟻落僧帶野香

來畱客朝嘗酒憂民夜畫灰終期冒風雪江上見

宗雷

上東林和尚

讓紫歸青壁高名四海聞雖然無一事得不是要  
君道祇傳伊字詩多笑碧雲應憐門下客餘力亦  
爲文

江邊道士

獨住大江濱不知何代人藥鑪生紫氣肌肉似紅

龍月集 二  
銀酒釀竹屋爛符收山鬼仁何妨將我去一看武陵春

送僧之湖外

去旨趣非常春風爾莫狂惟擎一鐵鉢舊亦講金剛  
剛午飯孤烟裏宵禪大石旁羨師終不及湘浪淥茫茫

懷謬獨一

常憶蘭陵子瓌竒皴渴才思還如我苦時不爲伊

來岳霞孫擲雪湖月浪翻盃未聞沾寸祿此事亦堪哀

送廬山衲僧

飛錫下崆峒清高世少雙凍天方篩雪別我去何那  
那燒遶赤烏亥雲漫白蚌江路人爭得識空仰髻眉癩

寄西山胡汾吳樵

帶經鋤隴者何止手胼胝覓句白句好慚予筋力



衰雲追臨案冷鹿隊過門遲相憶空回首江頭日  
暮時

休糧僧

不食更何憂自由中自由身輕嫌衲重天旱爲人  
愁應器誰將去生臺蟻不遊會須傳此術相共老  
山丘

送杜使君朝覲

借寇借不得清聲徹帝聰坐來千里泰歸去一囊

空遺愛封疆熟扳轅草木同路遥山不少江靜思  
無窮花舸衝烟濕朱衣照浪紅援毫兩岸曉欹枕  
滿旗風道罕將人合心難與聖通從茲林下客應  
口代天功

送人之嶺外

見說還南去迢迢有侶無時危須早轉親老莫他  
圖小店虵羹黑空山象糞枯三閭遺廟在爲我一  
嗚呼

題弘式和尚院

二雅兼二密惜惜祗自怡臘高雲屐朽貌古画師  
疑澗蟻緣金錫鑪烟惹雪眉仍聞有新作祗是寄  
相思

湖頭別墅三首

梨栗鳥啾啾高歌若自由人誰知此意舊業在湖  
頭飢鼠掀一作歡菱殼新蟬避栗皺不知江海上戈  
甲幾時休

又

桑柘參桐竹陰陰一逕苔更無他事出祗有衲僧  
來塹蟻爭生食窗經卷燒灰可憐門外路日日起  
塵埃

又

南北如仙境東西似画圖園飛青啄木簷掛白蜘蛛  
鄰叟教修廢牛童與納租寄言往來客不用問  
榮枯

三峽聞猿

歷歷數聲猿寥寥渡白烟應栖多月樹況是下霜  
天萬里客危坐千山境悄然更深仍不住使我欲  
移船

聞知聞赴成都辟請

文翁還化蜀帟幕列鵷鸞飲水臨人易燒山覓士  
難錦機花正合椶葦火初乾知己相思否如何借  
羽翰

題淮南惠照寺律師院

儀冠凝寒玉端居似沃州學徒梧有鳳律藏目無  
牛茗滑香粘齒鐘清雪滴樓還須結西社來往悉  
諸侯

秋末長興寺作

荒寺古江濱莓苔地絕塵長廊飛亂葉寒雨更無  
人栗不和皺落僧多到骨貧行行未得孤坐更  
誰親

寄杭州靈隱寺宋震使君

罷郡歸侵夏仍聞靈隱居僧房謝眺語寺額葛洪  
書晉道士葛洪與靈隱寺書額了去至今在月樹獼猴睡山池菡萏疎  
吾皇愛清靜莫便結吾廬

送人歸夏口

鴈鴈葉紛紛行人豈易聞千山與萬水何處更逢  
君貌不常如玉人生祇似雲倘經三祖寺一爲禮  
龕墳

送新羅僧歸本國

忘身求至教求得却忘歸離岍乘空去終年無所  
依月衝陰火出帆撥大鵬飛想得還鄉後多應著  
紫衣

避寇入銀山

草草穿銀峽崎嶇路未諳傍山爲店戍永日遶溪  
潭燒地生芑蕨人家煮僞蠶翻如歸舊隱步步入  
烟嵐

聞友人駕前及第

見心知命好一別隔烟波世亂無全士君方掇大  
科早隨鑾輅轉莫戀蜀山多必貢安時策忠言奈  
爾何

避地毗陵上王慥使君

時黃賊陷東陽公避

地於浙右

至理至昭昭心通卽不遙聖威無遠近吾道太孤  
標辛苦蘇氓俗端貞荅聖朝氣高吞海岳貧甚似

漁樵庾亮風流澹劉寬政事超清須遭貴遇隱已  
被誰招栗塢修禪寺仙香寄石橋風雷逃稼穡魚  
鳥合歌謠視事私終殺憂民泰亦彫道高無不及  
恩甚固難消大寇山難隔孤城數合燒烽烟終日  
起湯沐用心焦勇義排千陣誅鋤擬一朝誓盟違  
日月時賊僞降盟書終背旌旆過寒潮古駟江雲入荒宮海  
雨飄仙松添瘦碧天驥減豐臆似在陳兼衛終爲  
宋與姚已觀雲似鹿卽報首皆梟盡願迴清鏡重

希在此條應怜千萬戶禱祝向唐堯

送崔尚書朝覲

至理契穹旻方生甫與申一麾歌政正三相賀仁  
人叵似盧懷慎全如邵信臣澄渟消宿蠹煦愛及  
陽春對客烟花拆焚香渥澤新徵黃還有自

令弟相公

號當公遂避賢路也

挽鄧住無因峽水全輪潔巫娥却訝神

宋均顏未老劉寵骨應貧大醉辭王翦含香望紫  
宸三峰初有雪萬里正無塵伊昔林中社多招席

上珍終期仙掌下香火一相親

禪月集

十

海虞

禪月集卷十四終

海虞毛晉訂



禪月集卷十五

五言律詩三十首

寒夜有懷同志

永夜殊不寐懷君正寂寥  
疎鐘寒遍郭微雪靜鳴  
條南省鴈孤下西林鶴  
屢招終當謝時去與子  
住  
山椒

寄新定桂雍

獨自住烏龍應憐是衲僧  
句須人未道君此事偏



能塢濕雲埋觀溪寒月照一作曾相思不可見江  
上立騰騰

贈靈鷲山道潤禪師院

常恨烟波隔聞名二十年結爲清氣引來到法堂  
前薪拾紛紛葉茶烹滴滴泉莫嫌來又去天道本  
泠然

干霄亭晚望懷王蔡侍郎

霜打汀島赤孤烟生池塘清吟倚大樹瑶草何馨

香久別青雲士常思白石房誰能共歸去流水似  
鳴璫

海邊見羅鄴

清世詩聲出誰人得似君命通須有日天未喪斯  
文楚木寒連寺脩江碧入雲相思喜相見庭葉正  
紛紛

送僧之東都

之子之東洛囊中有偈新紅塵誰不入獨鶴自難

親定鼎門連岳黃河凍過春憑師將遠意說似社中人

送于兢補闕赴京

亂離吾道在不覺到清時得句下雪岳送君登玉墀吟驚蟬韻斷涼觸火雲隳倘遇南來使無忘問所之

送鄭準赴舉

兩河兵火後西笑見吾曹海靜三山出天空一鶚

高賃居槐撥屋行卷雪埋袍他日如相覓戎桃近海濤

寄拄杖上王使君

拄杖鄰僧與殊常不可名一條黛玉重百兩紫金輕有乳盤春力無心合道情惟宜高處著將寄謝宣城

秋望寄王使君

靜躡紅蘭逕憑高曠望時無端求句苦永日壑風

吹大月生峰角殘霞在樹枝  
祇應劉越石清嘯正相宜

送祿有禪師與雷處士入武夷山

師與雷居士尋山道入閩  
應將熊耳印別授武夷  
君嵯磳仙棺出江垠  
毒草分他年相覓在莫苦入  
深雲

送友生入越投知己

才大終大任東浮景漸暄  
知將別足恨去擊李膺

門宿霧開花塢春潮入  
苧村預思秋薦後一鷄出  
乾坤

寄烏龍山賈叅處士

庭果色如丹相思夕照殘  
雲邊踏燒去月下把書  
看澗水仙居共窗風漆樹  
寒吾君方側席未可便  
懷安

題大安寺通禪師院

應行諸岳遍象屣半無綱  
一法尋常說此機仍未

忘窗閑藤影老衲厚瀑痕荒寄語迷津者來茲問  
不妨

春晚寄盧使君

滿郭春如画空堂心自澄禪拋金鼎藥詩和玉壺  
冰白雨飄花盡晴霞向閣凝寒寥還得句因寄柳

吳興

武昌縣與晝公兼寄邑宰

小一何人識騰騰天地間尋常如一鶴亦不愛青

山鐵鉢年多赤麻衣帶毳斑祗聞尋五柳時到月  
中還

別東林僧

大士宅裏宿芙蓉龕畔遊芙蓉道人坐處自憐□□在子

莫苦相畱燥葉飄山席孤雲傍茗甌徘徊不能去  
房在好峰頭

避地寄高蟾

荒寺雨微微空堂獨掩扉高吟多忤客此貌若爲

飢旅夢遭鴻喚家山被賊圍空餘老萊子相見獨  
依依

懷武夷山禪師

萬疊仙山裏無緣見有緣紅心蕉遶屋白額虎同  
禪古木苔封菌深崕乳雜泉終期還此去世事祇  
如然

秋末閑居作

幽居山不別落葉與階平盡日吟詩坐無端箇病

成徑苔因旱赤池水入冬清惟有東峰叟相尋月  
下行

贈許徵君

晝公友秦奚來往踏溪雲如今又到我還愛許徵  
君落花鳥銜來永日香氤氳終期將爾曹歸去麋  
鹿群

秋夜作因懷天台道者

萬事何須問良時卽此時高秋半夜雨落葉滿前

池靜怕龍神識貧從草木欺平生無限事祇有道人知

偶作因懷大同道友

蠻木葉不落微吟漳水濱二毛空有雪萬事不如人  
壟水平芳草山花落淨巾天童好真伴何日更相親

邊上行

黑松林外路風角遠噤噤朔氣生荒堡秋塵滿病

容豺掎沙底骨人上月邊烽休作西行計西行地漸兇

江西再逢周璉

六七年不見相逢鬢已蒼交情終淡薄詩語更清狂  
未得丹霞便依前四壁荒但令吾道在晚達亦何妨

登鄱陽寺閣

寺樓閑縱望不覺到斜暉故國在何處多年未得

歸寒江平楚外細雨一鴻飛終斃於陵子吳山有  
綠薇

秋晚野居

僻居人不到吾道本來孤山色園中有詩魔象外  
無霜未連島赤烟草倚橋枯何必求深隱門前似

回圖

酬杜使君見寄

軋軋復軋軋更深門未關心疼無所得詩債若爲

還露洒一鶴睡鐘餘萬象閑慚將此時意明日寄

東山

湖上作

我竟胡爲者嘵嘵但愛吟身中多病在湖上住年  
深山雷穿苔壁風鐘度雪林近來心更苦誰復是  
知音

送僧歸天台寺

天台四絕寺歸去見師真莫折枸杞葉令他十得

嗔天空聞聖磬瀑細落花巾必若雲中老他時得

一作德有鄰 天台國清寺有拾得花巾卽波羅巾也

禪月集卷十五 終

海虞毛晉訂





禪月集卷十六

五言律詩三十首

壽春節進

武成元年作

聖運關天紀龍飛古帝基振搖三蜀地聳發萬年  
枝出震同中古承乾動四夷恩頒新命廣淚向舊  
朝垂大寶歸玄識殊祥出遠池時有黃龍見  
于嘉州之野法天  
深罔測體聖妙難知儉德爲全德無思契十思丕  
圖非力致英武悉天資正直方親切回邪豈敢窺

將排頗與牧相得稷兼夔鹽出符真主

鹽湧并野麟來

合大規

麒麟見

賡歌隨羽籥奕葉敷伊祁寡欲情雖

泰憂民色未怡盛如唐創業宛勝晉朝儀肝食官

鸞轉宵衣禁漏遲多於湯土地還有禹胼胝視物

如傷日勝殘去殺時守文情的的無逸戒孜孜軒

頊風重振皇唐鼎創移始聞呈瑞石又報產靈芝

瑞石放光靈芝生野

覆幬高緣大包容妙在卑兄呼春赫日

師指佛牟尼

大梵天王帝釋以佛爲師也今上皇帝亦然

佳氣宸居合

淳風樂府吹急賢彰帝業解網見天慈粟赤千千

窖軍雄萬萬兒八蠻須稽顙四海仰昌期玉輦嬪

嬙擁宮花錦繡歆堯雲同駿隼漢祖太驅馳氛祲

根株盡澆訛朕兆隳山河方有截野逸詔無遺境

靜消鋒鏑田香熟稻麋夢中逢傳說殿上見辛毗

金鏡懸千古彤雲起四維盛行唐典法再覩舜雍

熙祝壽乾文動郊天太乙隨煌煌還宿衛疊疊叶

聲詩飲醴和甘雨非烟遶御帷銀輪隨寶馬玉沼

見金龜

金色龜見

宵杳聞韶濩重重降撫綏魏徵須却  
出葛亮更何之簡約逾前古昇平美不疑觸邪羊  
哈哈鼓腹叟嘻嘻邁五方云大超三始見奇錦霞  
連紫極仙鳥下峨眉謝傳還爲傳周師又作師納  
隍爲永任從諫契無爲子子寰瀛主孫孫日月旗  
壽春嗟壽域萬國盡虔祈捧日三車子恭思八彩  
眉願將七萬歲匍匐拜瑤墀

拜當作進

### 送僧之安南

安南千萬里師去趣何長鬢有炎一作沃州雪心爲  
異國香退牙山象惡過海布帆荒早作歸吳計無  
忘父母鄉

### 送僧歸剡山

遠逃爲亂處寺與石城連木落歸山路人初刈剡  
田荒林猴咬栗戰地鬼多年好去楞伽子精修莫  
偶然

### 送僧入幽州

高士高無敵騰騰話入燕無人知爾意向我道非  
禪栗逕穿蕃塚狼聲隔遠烟槃山多道侶應未有  
歸年

送僧遊五臺

羨師遊五頂乞食值年豐去去誰爲侶栖栖力已  
充濁河高岍拆衰草古城空必到華嚴寺憑師問  
辨公

送僧入五洩

五洩江山寺禪林境最奇九年喫菜粥此事少人  
知山響僧擔穀林香豹乳兒伊余頭已白不去更  
何之

題令宣和尚院

軒窗領嵐翠師得世情忘惟愛談諸祖曾經宿大  
荒泉聲淹臥榻雲片犯鑪香寄語題門者看經在  
上方

寄四明間丘道士二首

淮海兵荒日分飛直至今知擔諸子出却入四明  
深衣必編仙草僧應共栗林秋風溪上路應得一  
相尋

又

三千功未了大道本無程好共禪師好常將藥犬  
行石門紅蘚剝柘塢白雲生莫認無名是無名已  
是名

經士馬中作

偷兒成大寇處處起烟塵黃葉滿空宅青山見俗  
人妖星芒刺越鬼哭勢連秦惆悵還惆悵茫茫江  
海濱

士馬後見赤松舒道士

滿眼盡瘡痍相逢相對悲亂階猶未已一柱若爲  
支堰茗蒸紅棗看花似好時不知今日後吾道竟  
何之

題方公院寄夏侯明府

銀地有餘光方公道亦芳誰分脩藏力頂有剃頭  
霜經勘松風燥簷垂塢茗香終須結西社此縣似  
柴桑

與劉象正字

獨居三島上

在觀中住

花竹映柴關道廣群仙惜名成

萬事閒病多唯縱酒靜極不思山唯有逍遙子時  
時自往還

懷智體道人

栖碧思吾友庭鷺百轉時唯應一處住方得不相  
思雲水淹門闥春雷在樹枝平生無限事不獨白  
雲知

贈晦公禪人

流陽爲役者相訪葉紛紛有句雖如我無心未似  
君構林青及竹茆屋暖如雲何日相將去千山麋  
鹿群

寄靜林別墅胡進士兄弟

見說山居好書樓被翠侵燒燹汀島境月色弟兄  
吟犬吠黃裨落牛歸紅樹侵仍聞多白菌應許一  
相尋

懷赤松故舒道士

可惜復可惜如今何所之信來堪大慟余復用生  
爲亂世今交鬪玄宮玉柱墮春風五陵道迴首不  
勝悲

偶作

無端爲五字字字鬢星星祇覺人情薄空餘鶴眼  
青砌莎藏墜果窗雪浸殘經祇有歸山計茫茫何  
所營

春日許徵君見訪

龍鍾多病後日望遇昇平遠念穿嵩雪前林轉早  
鶯廚香烹瓠葉道友扣門聲還似青溪上微吟踏  
葉行

經先主廟作

古廟積烟蘿威靈及物多因知曹孟德爭奈此公  
何樹古靄痕剝碑荒篆畫訛今朝冥禱祝祗望息  
干戈

寄中條道者

栢梯山影裏頭白藥山孫今古管不得是非爭肯  
論虎鬚懸瀑滴禪衲帶苔痕常恨龍鍾也無因接  
話言

夏日晚望

登臨聊一望不覺意悵然陶侃寒溪寺如今何處  
邊汀沙生早霧山火照平川終事東歸去干戈滿  
許田

送僧歸山

眼青禪帔赤氣岼出塵埃霞外終須去人間作麼  
來嵯香泉吐乳塢燥燒口靄他日終相覓山門何  
處開

覽皎然渠南鄉集



學力不相敵清還彷彿同  
高于寶月月誰得射鵬  
弓至鑿封姚監良工遇  
魯公如斯深可羨千里共  
清風

覽姚合極玄集

至覽如日月今時卽古時  
髮如邊草白誰念射聲  
口好鳥挨花落清風出院遲  
知音郭有道始爲一  
吟之

大駕西幸秋日聞雷

軍口日日催處處起塵埃  
黎庶何由泰鑾輿早晚  
回夏租方減食秋日更聞雷  
莫道蒼蒼意蒼蒼眼  
甚開

詩紀事顯  
作言詩

經天緯地物動必計仙才幾處覓  
不得有時還自來真風含素髮  
秋色入靈臺吟向霜蟾下終須神  
鬼哀

秋末江上望

莽莽古江濱紛紛墜葉頻烟霞誰是主丘隴自傷  
神吞併寧唯漢淒涼莫問陳盡隨流水去寂寞野  
花春

禪月集卷之二

海虞毛晉訂

禪月集卷十七

五言律詩二十五首

乞食僧

擎鉢貌清羸  
天寒出寺遲  
朱門當大路  
風雪立多時  
似月心常淨  
如麻事不知  
行人莫輕誚  
古佛盡如斯

寒望九峰作

九朶碧芙蓉  
王維圖未圖  
層層皆有瀑  
一一合吾

居雨歇如爭出霜嚴不例枯世猶多事在爲爾久  
躊躕

薊北寒月作

薊門寒到骨戰磧鴈相悲古屋不勝雪嚴風欲斷  
鬢清吟得冷句遠念失佳期寂寞誰相問迢迢天  
一涯

新猿

別本作  
新蟬

尋常看不見花落樹多苔忽向高枝發又從何處

來風清聲更揭月苦意彌哀多少求名者年年被  
爾催

懷南岳隱士二首

千峰映碧湘真隱此中藏餅不煮石喫眉應似髮  
長風裡支酒甕鶴蝨落琴床雖一作誰敦忘機者斯  
人尚未忘

又

見說祝融峰擎天勢似騰藏千尋瀑布出十八高

僧古路無人跡新霞出石稜終期將爾叟一二月  
中登

追憶馮少常

盛德方清貴旋聞逐逝波令人翻不會積善合如  
何直道登朝晚分憂及物多至今新定郡猶咏袴  
襦歌

聞閔廷言周璉下第

前榜年年見高名日日聞常因不平事便欲見吾

君兄弟居清島園林生白雲相思空悵望庭葉赤  
紛紛

寄景地判官

渚宮江上別倏忽十餘年舉世唯攻說多君卽不  
然浦珠爲履重園柳助詩玄勉力酬知己昌朝正  
急賢

讀賈區賈島集

區終不下島島亦不多區冷格俱無敵貧根亦似

愚青雲終歎命白閣久圍鑪今日成名者還堪爲  
爾吁

送衲僧之江西

索索復索索無憑却有憑過溪遭惡雨乞食得乾  
菱祇有山相伴終無事可仍如逢梅嶺且向道祇  
寧馨

故林偶作

朗吟無一事孤坐澱江濱媚世非吾道良圖有白

雲蠹魚開卷落啄木隔花聞唯寄壺中客金丹許  
共分

寄栖白友師二首

流浪江湖久攀緣歲月闌高名當世重好句逼人  
寒月苦蟬聲嘎鐘清柿葉乾龍鍾千萬里擬欲訪  
師難

又

蒼蒼龍闕晚九陌雜香塵方外無他事僧中有近

臣青門玉露滴紫閣錦霞新莫話三峰去澆風正  
蕩淳

送人之渤海

國之東北角有國每朝天海力浸不盡夷風常宛  
然山藏羅刹宅水雜巨鼇涎好去吳鄉子歸來莫  
隔年

寄李道士

常見高人說猶來不偶然致身同槁木話道出忘

詮長嘯仙鐘外眠植海月邊倘脩陰氍毹一望寄  
余焉

秋送夏郢歸錢塘

歸客指吳國風帆幾日程新詩陶雪字玄髮有霜  
莖微月生滄海殘濤傍石城從茲江島意應續子  
陵名

送僧歸翠微

祇衲一箇衲翠微歸舊岑不知何歲月卽得到師

前月集 五  
心逕遶千峰細庵開亂木深倘然雲外老他日亦  
相尋

經友生墳

多君墳在此今我過悲涼可惜爲人好剛須被數  
將白雲從塚出秋草爲誰荒不覺頻回首西風滿  
白楊

懷洛下盧縉雲

一減三張價幽居少室前豈應貧似我不得信經

年木落多詩藁山枯見墨烟何時深夜坐共話草  
堂禪

送李鏞赴舉

詩業務經綸新皆意外新因知登第榜不著不平  
人句得孤舟月心飛九陌塵明年相賀日應到曲  
江濱

寶禪師見訪

山兄心似我岼谷亦難交不見還相憶來唯添寂



寥茶烟粘衲葉雲水透蘅茆因話流年事斯須不可拋

觀碁

逸格格難及半先相遇稀落花方滿地一局到斜暉  
褚胤死不死將軍飛已飛今朝慙一行無以造玄微

題一上人經閣

島外何須去衣如薜亦從但能無一事卽是住孤

峰雨歇雲埋閣月明霜灑松師心多似我所以訪師重

和毛學士舍人早春

陋巷冬將盡東風細雜籃解牽窗夢遠先是澗梅

諳茶癖金鐙快

舍人有茶譜

松香玉露含書齋山帚擲

盤饌藥花甘雅得琴中妙

舍人妙于七絃

常按臉似酣雪

消聞苦蟄氣候似宜蠶密勿須清甲朝歸遶碧潭

丹心空拱北新作繼周南竹杖無斑點紗巾不著

簪大朝名益重後進力皆覃至理雖亡一臣時亦  
說三不知門下客誰上晏嬰驂

禪月集卷十七 終

海虞毛晉訂

禪月集卷十八

五言律詩二十四首

壽春進祝聖七首

千載降祥

九天宮上聖降世共昭回  
萬彙須亭毓羣仙送下來  
承乾當否極庶事盡康哉  
祇有義軒比其餘不可陪

文有武備

武宿與文星常如掌上擎孫吳機不動周邵事多  
行盱食爐烟細宵衣隙月明還聞夔進曲吹出泰  
階平

從諫如流

及雷龍鱗動君臣道義深萬年軒后鏡一片漢高  
心北狄皆輸欵南夷盡貢珍從茲千萬歲枝葉玉  
森森

搜揚草澤

俟時兼待價垂棘出塵埃仄席三旌切移山萬里  
來烟霞衣上落聞闔雪中開壽酒今朝進無非出  
世才

守在四夷

天將興大蜀有道遂君臨四塞同諸子三邊共一  
心闈婆香似雪迴鶻馬如林曾讀前皇傳巍巍冠  
古今

大興三教

憧憧懸佛日天俟動雲韶縫掖諸生集麟洲羽客  
朝非烟生玉砌御柳吐金條擊壤翁知否吾皇卽  
帝堯

山呼萬歲

聲教無爲日山呼萬歲聲隆隆如谷響合合似雷  
鳴翠拔爲天柱根盤倚鳳城恭唯千萬歲歲歲致  
昇平

早秋夜坐

微涼砧滿城林下石床平髮豈無端白詩須出世  
清鄰僧同樹影砌月浸蛩聲獨自更深坐無人知  
此情

早起

夜坐還早起寂寥多病身神清尋夢在香極覺花  
新樹露繁於雨溪雲動似人又知何處客軋軋轉  
征輪

秋晚野步

閑步不覺遠蕭蕭木落初詩情拋閩闖江影動襟  
裾閣北鴻行出霞西雨脚疎金峰秋更好乞取又  
何如

晚望

曠望危橋上微吟落照前烟霞濃浸海川岳闊連  
天白鳥格不俗孤雲態可怜終期將爾輩歸去舊  
江邊

寄翰林陸學士

顏冉商參甲鸞凰密勿才簾垂仙鳥下吟次聖人  
來寶輦千官捧宮花九色開何時重一見爲我話  
蓬萊

贈造微禪師院

簷蔔氣雍雍門深聖澤重七絲奔小蠨五字逼雕  
龍藥轉紅金鼎茶開紫閣封圭峰爭去得卿相日  
憧憧

南海晚望

海上聊一望船帆天際飛狂蠻莫掛甲聖主正垂  
衣風惡巨魚出山昏群獠歸無人知此意吟到月  
騰輝

寄廬山大願和尚

石上桂成叢師庵在桂中皆云習鑿齒未可扣真  
風雪洗香爐碧霞藏瀑布紅何時甘露偈一寄剡  
山東

懷薛尚書兼呈東陽王使君

得力未得力高吟夏又殘二毛非自出萬事到詩  
難蟬見木葉落雷將雨氣寒何妨槌琢後更獻至  
公看

上馮使君水晶數珠

泠泠瀑滴清貫串有規程將諷觀空偈全勝照乘  
明龍神多共惜金玉比終輕願在玄輝手常資物  
外情

送明覺大師兼寄鄭山人

去去楞伽子春深道路長  
鳥啼青嶂險花落紫衣香  
此去非餘事還歸內道場  
憑師將老倒一向說榮陽

廬山尋靈紀不遇

久別稀相見深山道益孤  
葉全離大朴君尚在新  
吳鐘嘎聲飄驛山頑氣噴湖  
留詩如和得一望寄前途

題曹溪祖師堂

皎潔曹溪月嵯峩七寶林  
空傳智藥記豈見祖禪心  
信衣非苧麻白雪無知音  
大哉雙峰溪萬古青沉沉

懷匡山道侶

常憶將吾友穿雲過瀑西  
有碑皆讀徹無處不相攜  
檉桂株株濕猿猱箇箇啼  
等閑成遠別窗月又如珪

懷盧延讓

時延讓新及第



荆川集 卷六  
冥搜忍飢凍嗟爾不能休幾歎不得力到頭還白  
頭姓名歸紫府妻子在滄洲又是蟬聲也如今何  
處遊

春晚訪鏡湖方干

幽居湖北濱相訪值殘春路遠諸峰雨時多擲斃  
人蒸花初釀酒漁艇劣容身莫訝頻來此伊余亦  
隱淪

秋過相思寺

見說相思寺今來似有期瘴鄉終有出天意固難  
欺晝雨先花島秋雲掛戍旗故人多在蜀不去更  
何之

禪月集卷十八終

海虞毛晉訂



禪月集卷十九

七言律詩二十二首 七言絕句詩八首

蜀王入大慈寺聽講

天復三年作

玉節金珂響似雷  
水晶宮殿步徘徊  
祗緣支遁談

經妙所以許詢都講來  
帝釋鏡中遙仰止

善法堂前有七

寶鏡照四天下 魔軍殿上動崔巍  
千重香擁龍鱗立  
五種

風生錦繡開

上界天王欲下遊行時先有三種風生一開其樓臺殿閣二香氣芬馥三

吹去萎花 寬似大溟生日月秀如四岳出塵埃  
一

更雨新者

補月集  
卷十九  
條紫氣隨高步九色仙花落古臺謝太傅須同八  
凱姚梁公可並三台登樓喜色禾將熟望國誠明  
首不迴駕馭英雄如赤子雌黃賢哲貢瓊瑰六條  
消息心常苦一劍晶熒敵盡摧木鐸聲中天降福  
景星光裏地無災百千民擁聽經座始見重天社  
稷才

蜀王登福感寺塔三首

天資忠孝佐金輪香火空王有宿因此世喜登金

骨塔前生應是有王身

佛記育王造四萬八千塔

封疆歲暮笙

歌合襦袴正初錦繡新釋子沾恩無以報祗擎章  
句貢平津

又

似聖悲增道不窮憂民憂國契堯聰兩髯有雪丹  
霄外萬里無塵一望中南照微明連莽蒼峨嵎擁  
秀接崆峒林僧歲月知何幸還似支公見謝公

又

步步層層孰可陪相輪邊日照三台喜歡烝庶皆  
相逐惆悵鑾輿尚未迴金鐸撼風天樂近仙花含  
露瑞烟開一年一度常如此願見文翁百度來

少監三首

器琢仙珪美有餘席珍國寶比難如銜花乳燕看  
調瑟衣錦佳人侍讀書荀氏門風龍變化謝家庭  
樹玉扶疎卽期寰宇隆平日歸佐吾皇侍玉墀

又

益友相隨益自強趨庭問禮日昭彰袍新宮錦千  
人目馬駿桃花一巷香偏愛曾顏終不及或如韓  
白亦無妨八龍三虎森如也萬古千秋瑞聖唐

又

具體而微太少年鳳毛五色帶非烟倚天長劔看  
無敵遶樹號猿已應絃接士開襟清聖熟分題得  
句落花前卽應出將傳家法聖澤恩波浩浩然

再到鍾陵作

六七年來到豫章舊遊知己半凋傷春風還有花  
千樹往事都如夢一場無限丘墟侵郭路幾多臺  
榭浸湖光祇應唯有西山色依舊崔巍上寺牆

經弟妹墳

淚不曾垂此日垂山前弟妹塚離離年長於吾未  
得力家貧拋爾去多時鴻衝口口霜中斷蕙雜黃  
蒿塚上衰恩愛苦情拋未得不堪回首步遲遲

到蜀與鄭中丞相遇

深隱猶爲未死灰遠尋知己遇三台如何麋鹿群  
中出又見鷓鴣天上來劔閣霞粘殘雪在錦江香  
甚百花開謾期王謝來相訪不是支公出世才

別馮使君

瓦礫文章豈有媒兩三年祇在金臺本師頭白須  
歸去太守門清願再來皓皓玉霜孤鴈遠蕭蕭松  
島片帆開從茲林下終無事唯祇焚香祝上台

上新定宋使君

禪坐吟行誰與同杉松共在寂寥中碧雲詩裏終  
難到白藕花經講始終水疊山層擎草疏砧清月  
苦立霜風十年勤苦今酬了得句桐江識謝公

和李判官見新榜爲兄下第

失意荆枝滴淚頻陟岡何翅不知春心中岐路平  
如砥天上文章妙人神休說宋風迴鷓首卽看雷  
火燎龍鱗從茲相次紅霞裏留取方書與世人

送羅鄴赴許昌辟

方得論心又別離黯然江上步遲遲不堪迴首崎  
嶇路正是寒風皺錯時美似郗超終有日去依劉  
表更何疑前程不少南飛鴈聊寄新詩慰所思

附韋相公莊寄禪月大師

新春新霽好晴和間闊吾師鄙吝多不是爲窮  
常見隔紙應嫌醉不相過雲離谷口俱無著日  
到天心各幾何萬事不如碁一局雨堂閑夜許  
來麼

酬韋相公見寄

鹽梅金鼎美調和詩寄空林問訊多秦客弈碁拋  
已久楞嚴禪髓更無過萬般如幻希先覺一丈臨  
山且奈何日到天心乃相公之日  
老僧日去山乃一丈半空諷平津好珠  
玉不知更得及門麼

附張相公格寄禪月大師

龍華咫尺斷來音日夕空馳詠德心禪月字清  
師號別壽春詩古帝思深画成羅漢驚三界書

似張顛值萬金莫倚名高忘故舊晚晴閑步一  
相尋

酬張相公見寄

周郎懷抱好知音常愛山僧物外心閉戶不知芳  
草歇無能唯擬住山深感通未合三生石騷雅歡  
擎九轉金但似前朝蕭做與蔣紳老僧風雪亦相  
尋

附王相公錯贈禪月大師



常愛吾師性自然  
天心明月水中蓮  
神通力遍恒沙外  
詩句名高聚米前  
尋訪不聞朝振錫  
修行唯說夜安禪  
太平時節俱無事  
莫惜時來話草玄

酬王相公見贈

孤拙將來豈偶然  
不能爲漏滴青蓮  
一從麟筆題牆後  
常祇冥心古像前  
九德陶鎔空有跡  
六窗清淨始通禪  
今朝幸捧瓊瑤贈  
始見玄中更有玄

附集賢周相公庠寄禪月大師

昨日塵遊到幾家  
就中偏有近宣麻  
水田鋪座時移画  
金地譚空說盡沙  
傍竹欲添犀浦石  
栽松更碾味江茶  
有時捨得休公卷  
倚柱閑吟見落霞

酬周相公見贈

三界無家是出家  
豈宜拊鳳觀新麻  
幸生白髮逢金聖  
曾夢青蓮映玉沙  
境陟名山烹錦水  
睡忘東

白洞平茶喜擎繡段攀金鼎謝眺餘霞始是霞

七言絕句

道情偈三首

崆峒老人專一一黃梅真叟却無無獨坐松根石  
頭上四溟無限月輪孤

又

非色非空非不空空真色不玲瓏可憐盧大擔  
柴者拾得驪珠橐籥中

又

優鉢羅花萬劫春頻犁田地絕纖塵道吾道者相  
招好不是香林採葉人

馬上作

柳岫花堤夕照紅風清襟袖響瓊瓏行人莫訝頻  
迴首家在凝嵐一點中

道中逢乞食老僧

赤稷欄笠眉毫垂拄柳栗杖行遲遲時人祇施盂

中飯心似白蓮那得知

秋末寄武昌一公

見說武昌江上住  
栢枯槐朽戰時風  
知師詩癖難醫也  
霜灑蘆花明月中

陋巷

墜葉如花欲滿溝  
破籬荒井一蟬幽  
亦知希驥無希者  
作麼令人強轉頭

終南僧

聲利掀天竟不聞  
草衣木食度朝昏  
遙思山雪深一丈  
時有仙人來打門

禪月集卷十九 終

海虞毛晉訂



禪月集卷二十

七言律詩二十二首 七言絕句詩七首

大蜀皇帝潛龍日述聖德詩五首

嶽瀆殊祥日月精入堯金鏡佐休明  
衣嚴黼黻皇恩重劔折芙蓉紫氣橫  
玉甃金湯山岳峻花藏臺榭管絃清  
已聞圖上凌烟閣寵渥穹隆玉不名

又

扶持社稷似齊桓百萬雄師貴可觀  
神智發中真

莫測貢輸天下學應難風清輦角□□□□肅神  
龍草木寒堪羨蜀民恒有福太平時節一般般

又

珠履三千侍玉除宮花飄錦早翼初雖然周孔心  
相似其奈龔黃政不如浩浩歌謠聞禁掖重重襦  
袴溷樵漁若論朝野艱難日第一之功美有餘

又

紫髯青眼代天才轍白孫吳稍可陪祗見赤心堯

日下豈知真氣梵天來聽經瑞雪時時落登塔天  
花步步開盡祝莊椿同壽考人間歲月豈能催

又

丈夫勛業正乾坤麟鳳龜龍盡在門西伯最憐耕  
讓畔曹參空愛酒盈樽心慈爲受金僊囑髮白緣  
酬玉砌恩從此于門轉高大可憐子子與孫孫

陳情獻蜀皇帝

河北江東處處災唯聞全蜀勿塵埃一餅一鉢垂

垂老萬水千山得得來  
柰苑幽栖多勝景  
巴歛陳  
貢媿非才自慙林藪  
龍鍾者亦得親登郭  
隗臺

壽春節進大蜀皇帝五首

上玄大帝降坤維  
箕尾爲臣副聖期  
豈比赤光盈  
室日全同白象下  
天時文經武緯包  
三古日角龍  
顏邊四夷今日降  
神天上會願將天  
福比須彌

又

異香滴露降紛紛  
紫電環樞照禁門  
先冠百王臨

億兆後稱十號震  
乾坤羲軒之道方  
爲道草木沾  
恩始是恩今以諛  
才歌睿德猶如飲  
海妙難論

又

茂祉遐宣勝事并  
薰風微入舜絃清  
四洲不必歸  
王化一統那能計  
聖情合合鼓鐘膏  
雨滴峩峩宮  
闕瑞烟橫西逾昆  
岳東連海誰不梯  
山賀聖明

又

遠人玉帛盡來歸  
及物天慈物物肥  
春力遍時皆

甲拆王言聞者盡光輝家家錦繡香醪熟處處笙  
歌乳燕飛爲報蜀皇勤禱祝聖明天子古今稀

又

積劫脩來似煉金爲皇爲帝萬靈欽能當濁世爲  
清世始見君心是佛心九野黎民耕浩浩百蠻朝  
騎日駸駸今朝獻壽將何比願似莊椿一萬尋

對雪寄新定馮使君二首

仙掌空思歸未能焚香冥目對殘燈豈知瑞雪千

山合空覺春寒半夜增翳月素雲埋粉堞堆巢孤  
鶴下金繩因思太守憂民切吟對瓊枝喜不勝

又

政化由來通上靈豐年祥瑞滿窗明氣嚴坐久燈  
凝燄片大更深屋作聲飄掩烟霞何處去欹斜杉  
竹向簾傾雪林中客雖無事還有新詩半夜成

送劉相公朝覲二首

九苞仙瑞曜垂衣一品高標百辟師魏相十思常



自切曹溪一句幾生知公深入禪理久交玉帳雖難別  
須佐金輪去已遲唯杜荊州最惆悵柳門迴首落花時

又

急徵祇是再登庸生意人心萬國同變理久徵殷  
傅說譚真欲過李玄通程穿峴首春光老馬速商  
於曙色紅從此龍顏又應瘦寰瀛俱荷代天功

避寇遊成福山院

成福僧留不擬歸獼猴菌嫩豆苗肌那堪蠶月偏  
多雨況復衢城未解圍時孫端國逼衢城數月翠擁檜籬泉  
亂入雲開花鳥雉雙飛堪嗟大士悠悠者祇向詩  
中話息機

別李常侍

楚水和烟海浪通又擎杯錫去山東道情雖擬攀  
孤鶴詩業那堪至遠公夢入深雲看雨滴吟搜殘  
雪石林空朱門再到知何日一片征帆萬里風

送鄭閣赴閩辟

便便書腹德無鄰健筆從知又入閩鸚鵡才須歸  
紫禁真珠履不稱清貧武夷山夾仙霞薄螺女潭  
通海樹春從此應多好消息莫忘江上一閑人

寄信州張使君

水壇禋殿地含烟領鶴行吟積翠間數閣涼颺終  
日去滿懷明月上方還時來自有鸚鵡識道在從  
如草木間唯羨靈溪賢太守一麾清坐似深山

春末寄周璉

暮角含風雨氣曛寂寥莓翠上衣巾道情不向鬢  
花薄詩意自如天地春夢入亂峰仍履雪吟看芳  
草祇思人手中孤桂月中在來聽泉聲莫厭頻

讀吳越春秋

猶來吳越盡須慙背德違盟又信讒宰嚭一言終  
殺伍大夫七事祇須三功成獻壽歌飄雪誰愛扁  
舟水似藍今日雄圖又何在野花香逕鳥喃喃

春遊靈泉寺

水蹴危梁翠擁沙鐘聲微逕入深花  
嘴紅澗鳥啼芳草頭白山僧自扞茶  
松色摧殘遭賊火水聲幽咽落人家  
寺因泉得名自經沙沐其泉落在人家  
因尋古跡空惆悵滿袖香風白日斜

七言絕句

歸東陽臨岐上杜使君七首

小謝清高大謝才聖君令泰此方來  
一從到後常

無事鈴閣公庭滿綠苔

又

紅錦帳中歌白雪烏皮几畔撫青英  
不知何物爲心地賽却澄江澈底清

又

誰報田中有黑蟲一家齋戒減仙容  
分憂若也皆如此天下家家有剩春

又

憂民心切出衝炎禾稼如雲喜氣兼林下閑人亦  
何幸也隨旌旆到銀尖

銀尖去郭  
二十里

又

方恐獄中桃樹出忽聞枯木却生烟

時有枯  
木再生 褚祥

爲郡曾如此却恐當時是偶然

又

枯骨縱橫遍水湄盡收爲塚碧參差分明爲報精  
靈輩好送旌旗到鳳池

又

捨魯依劉一片雲好風吹去遠纖塵猶期明月清  
風夜來作西園第八人

禪月集卷二十終

海虞毛晉訂



國家圖書館, NATIONAL CENTRAL LIBRARY, TAIWAN, R.O.C.

禪月集卷二十一

七言律詩一十七首

七言絕句詩十首

春

自來自去動洪鑪無象無私無處無迴鴈不多消  
氣力染花應最費工夫溟濛偏恨豪家惜濃暖深  
爲政筆駢莫訝相逢只添睡伊余心不在榮枯

聞迎真身

四海無波八表臣恭聞今歲禮真身七重鎖未開



金鑰五色光先入紫宸丹鳳樓臺飄瑞雪岐陽草  
木亞香塵可憐優鉢羅花樹三十年來一度春

灞陵戰叟

劔刃秋水髻梳霜迴首胡天與恨長官竟不封右  
拔尉鬪曾生挾左賢王尋班超傳空垂淚讀李陵  
書更斷腸今日灞陵陵畔見春風花霧共茫茫

遇道者

鶴骨松筋風貌殊不言名姓絕榮枯尋常藜杖九

衢裏莫是商山一皓無身帶烟霞游汗漫藥兼神  
鬼在葫蘆只應張果支公輩時口相逢醉海隅

贈鍾陵陳處士

否極方生社稷才唯譚帝道鄙梯媒高吟千首精  
怪動長嘯一聲天地開湖上獨居多草木山前頻  
醉過風雷吾皇仄席求賢久莫待徵書兩度來

懷鄰叟

常思東溪瘡眉翁是非不解兩頰紅桔槔打水聲

嘍嘍紫芋白薤肥濛濛鷗鴨靜遊深竹裏兒孫多在好花中千門萬戶皆車馬誰愛如斯太古風

贈軒轅先生

曾親文景上金鑾語共容城語一般久向紅霞居不出若非清世見應難滿鑪藥熟分仙盡幾局碁終看海乾略問先生真甲子只言弟子是劉安

偶作因懷山中道侶

是是非非竟不真桃花流水送青春姓劉姓項今

何在爭利爭名愁殺人必竟輸他常寂寞只應贏得苦沈淪深雲道者相思否歸去來兮湘水濱

送新羅人及第歸

捧桂香和紫禁烟遠鄉程徹巨鼇邊莫言掛席飛連夜見說無風卽數年衣上日光真是火島旁魚骨大於船到鄉必遇來王使與作唐書寄一篇

送新羅衲僧

扶桑枝西真氣奇古人呼爲師子見六環金錫輕



擺撼萬仞雪嶠空參差枕上已無鄉國夢囊中猶  
挈石頭碑南岳石頭大師劉  
珂郎中作碑文也多慙不便隨高步正  
是清風無事時

春晚桐江上閑望作

江上車聲落日催紛紛擾擾起紅埃更無人望青  
山立空有帆衝夜色來沙鳥似雲鐘外去汀花如  
火雨中開可憐瀟洒鴟夷子散髮扁舟去不迴

商山道者

五千言外得玄音石屋寒栖隔雪林多傍松風梳  
綠髮只燒崖藥點黃金澄潭龍氣來縈砌月冷星  
精下聽琴曾夢先生非此處碧桃溪上紫烟深隔一  
作

聞許棠及第因寄桂雍

時清道合出塵埃清苦爲詩不仗媒今日桂枝平  
折得幾年春色併將來勢扶九萬風初極名到三  
山花正開更有平人居蟄屋還應爲作一聲雷

灤江秋居作

無事相關性自攄庭前拾葉等閒書青山萬里竟  
不足好竹數竿涼有餘近看老經皆澹泊欲歸少  
室復何如面前小沼清如鏡終養琴高赤鯉魚

上縉雲段使君

清畏人知人盡知縉雲三載得宣尼活民刀尺雖  
無象出世文章豈有師木氣芝香粘甕榼雲痕翠  
點滿旌旗今朝暫到金臺上頗覺心如太古時

春末蘭溪道中作

山花零落紅與緋汀烟濛茸江水肥人擔犁鋤細  
雨歇路入桑柘斜陽微時喜東州云寇去不知西  
狩幾時歸清平時節何時是轉覺人心與道違

野居偶作

高淡清虛卽是家何須須占好烟霞無心於道道  
自得有意向人人轉賒風觸好花文錦落砌橫流  
水玉琴斜但令如此還如此誰信前程未可涯

七言絕句

再遊東林寺作五首

臺殿參差聳瑞烟桂花飄雪水潺潺莫疑遠去無

消息七萬餘年始半年

傳記盡云安遠持炭三車盡生兜率天人間四千年

彼天一晝夜亦三十日爲一月十二月爲一年壽四千年

又

桓玄舊輦殘雲濕耶舍孤墳落照遲

昔桓玄入山禮遠公遂舍

輦至今在有箇山僧倚松睡恐人來取白猿兒

又

玉像珠龕香陣橫錦霞多傍石牆生辟蛇行者今

何在花口唯聞鳩鳥聲

又

愛陶長官醉兀兀送陸道士行遲遲買酒過溪皆

破戒斯何人斯師如斯

遠公高節食後不飲而將詩博綠醕與陶潛飲別人

不得又送客不以貴賤不過虎溪只在寺門前而送陸靜修道士過虎溪數百步今寺門前有道士

岡送道士至此止也

又

白簷葡萄露滴滴紅苾芻草香濛濛田地更無塵  
一點是何人合住其中

題蘭江言上人院二首

時王諤先輩有詩二首題其院因和題之

一生只着一麻衣道業還欺習彥威手把新詩說  
山夢石橋天柱雪霏霏

又

只是危吟坐翠層門前岐路自崩騰青雲名士時  
相訪茶煑西峰瀑布冰

書石壁禪居屋壁

赤旃檀塔六七級白菡萏花三四枝禪客相逢祇  
彈指此心能有幾人知

送人遊茅山

茅真舊宅基猶在藥竈苔深土尚殷君見道人憑  
與問大還還字若爲還

聽僧彈琴

家近吳王古戰城海風終日打檣聲今朝鄉思渾

堆積琴上聞師大蠲行

禪月集卷二十一 終

海虞毛晉訂



禪月集卷二十二

七言律詩一十二首 七言絕句詩一十首

中秋十五夜月

霏雪噴霜滿碧虛  
王孫公子翫相呼  
從來天匠爲輪足  
自是人心此夜餘  
靜入萬家危露滴  
清埋衆象叫鴻孤  
坐來惟覺情無極  
何況三湘與五湖

鷺鷥有懷

前東陽王慥使君  
養一鷺鷥名瑤花

粉魄霜華爲爾枯  
鴛鴦相伴更堪圖  
愛來沙島遺

銀屋終作金籠養雪鷄栖宿必多清瀨夢品流還  
次白猿徒今朝不覺頻迴首曾伴瑤花近玉壺

東陽雁亂後懷王慥使君五首

昨來祇對漢諸侯勝事消磨不自由裂地鼓鼙軍  
口急連天烽火陣雲秋吹毛淬劔雖無數歃血爲  
盟不到頭誰爲今朝奉明主使君司戶在隋州時黃  
巢奔許公點土勇救萬禦押于歃血連西而渠魁  
詐降都將連城爲盟違約遂於戍地當不與舊獨  
睦杭守同  
貶中也

又

只報精兵過大河東西南北殺人多可憐白日渾  
如此來似蝗蟲爭奈何天意豈應容版亂人心都  
改太凋訛不勝惆悵還惆悵一曲東風月袴歌

又

爲郡無如王使君一家清冷似雲根貨財不入崔  
洪口俎豆嘗聞夫子言鬚髮坐成三載雪黎民空  
負二天恩不堪西望西風起縱火崑崙誰爲論

又

魄懾魂飛骨亦銷此魂此魄亦難招黃金白玉家  
家盡繡闥雕甍處處燒驚動乾坤常黯慘深藏山  
岳亦輕搖恭聞國有英雄將擬把何心答聖朝

又

不是龔黃覆育才卽須清苦遠塵埃無人與奏吾  
皇去致亂唯因酷吏來剝生靈爲事業巧通豪  
譖作梯媒令人轉憶王夫子一片真風去不迴

秋夜懷嵩少因寄洛中舊知

鑪焚旃檀不稱貧霏霏玉露濕禪巾紫金地上三  
更月紅藕香中一病身少室少年偏入夢多時多  
事去無因如今憔悴頭成雪空想嗟峨羨故人

君三首

一到毗陵心更勞泠泠閑步擁雲袍豈緣思妙塵  
埃少自是風清物態高野色疎黃連楚甸故山奇



碧隔河橋終須愚谷中安致不是人間好羽毛

又

常憶雙溪八詠前講詩論道接清賢文欺白鳳真  
難及藥撚紅蕖豈偶然花濕瑞烟粘玉磬簾垂幽  
鳥啄苔錢自怜不是悠悠者吟嚼真風二十年

又

□雷車雨滴階聲寂寥焚香獨閉扃錦繡文章無  
路達袴襦歌詠隔牆聽松聲冷浸茶軒碧苔點狂

吞衲線青唯有孤高江太守不忘病客在禪靈

秋末寄上桐江馮使君

山東山色勝諸山謝守清高不可攀薄俗盡于言  
下泰苦心唯到醉中間香凝錦帳抄書後月轉棠  
陰送客還野客沾恩歸未得蕭蕭霜葉滿柴關

七言絕句

禪師

擊鼓求亡益是非木中生火更何爲吾師別是醜

酬味不是知心人不知

道士

花鳥相逢滿袖雲藉花論道過金巾騰騰又入仙  
山去只恐是青城丈人

風琴

至境心爲造化功一枝青竹四絃風寥寥雙耳更  
深後如在緱山明月中

庭橘

蟻踏金苞四五株洞庭山上味何殊不緣松樹稱  
君子肯便甘人喚木奴

落花

蝶醉蜂癡一簇香繡葩紅帶墮殘芳因嗟好德人  
難得公子王孫盡斷腸

孤雲

將比鷺鷥還恐屈始思殘雪不如多清風相引去  
更遠皎潔孤高奈爾何

苦吟

河薄星踈雪月孤松枝清氣入肌膚因知好句勝  
金玉心極神勞特地無

古戰處

鬼氣蒼黃棘葉紅昔時人血此時風相怜極目無  
疆地曾落將軍一陣中

偶然作

蟬聲引出石中蛩寂寞門扃葉數重誰道思山心

不切等閒盡出兩三峰

招友人宿

銀地無塵金菊開紫梨紅棗墮莓苔一泓秋水一  
輪月今夜故人來不來

禪月集卷二十二 終

國家圖書館, NATIONAL CENTRAL LIBRARY, TAIWAN, R.O.C.



禪月集卷二十三

七言律詩二十四首 七言絕句詩三首

山居詩二十四首

并序

序曰愚咸通四五年中於鍾陵作山居詩  
二十四章放筆藁被人將去厥後或有散  
書于屋壁或吟咏於人口一首兩首時時  
聞之皆多字句舛錯洎乾符辛丑歲避寇  
於山寺偶全獲其本風調野俗格力低濁

豈可聞於大雅君子一日抽毫改之或留  
之除之脩之補之却成二十四首亦斐然  
也蝕木也槩山謳之例也或作者氣合始  
爲一朗吟之可也

休話誼譁事事難山翁只合住深山數聲清磬是  
非外一個閑人天地間緣圃空階雲冉冉異禽靈  
草水潺潺無人與向羣儒說岩桂高枝亦好扳

又

難是言休即便休清吟孤坐碧溪頭三間茆屋無  
人到十里松陰獨自遊明月清風宗炳社夕陽秋  
色庾公樓脩心未到無心地萬種千般逐水流

又

好鳥聲長睡眼開好茶擎乳坐莓苔不聞榮辱成  
番盡只見熊羆作隊來詩裏從前欺白雪道情終  
遣似嬰孩由來此事知音少不是真風去不廻

又

萬境忘機是道華碧芙蓉裏日空斜幽深有徑通  
仙窟寂寞無人落異花掣電溪雲真好喻如龍似  
鳳不須誇君看江上英雄塚只有松根與栢槎

又

鞭後從他素髮兼湧清奔碧冷侵簾高奇章句無  
人愛澹泊身心舉世嫌白石橋高吟不足紅霞影  
暖臥無厭居山別有非山意莫錯將予比宋纖

又

鳥外塵中四十秋亦曾高挹漢諸侯如斯標致雖  
清拙大丈夫兒合自由紫朮黃菁苗蕞蕞錦囊香  
麝語啾啾終須心到雲溪叟千歲楮根雪滿頭

又

慵甚嵇康竟不迴何妨方寸似寒炭山精日作兒  
童出仙者時將玉器來筠帚掃花驚睡鹿地壚燒  
樹帶枯苔不行朝市多時也許史張金安在哉

又

心心不住希夷石屋巉巖髻髮垂養竹不除當  
路筍愛松留得礙人枝焚香開卷霞生砌捲箔冥  
心月在池多少故人頭盡白不知今日又何之

又

龍藏琅函遍九垓霜鍾金鼓振瓊臺堪嗟一句無  
人得遂使吾師特地來無角鐵牛眠少室生見石  
女老黃梅令人轉憶龐居士天上人間不可陪

又

五嶽烟霞連不斷三山洞穴去應通石窗欹枕疎  
疎雨水碓無人浩浩風童子念經深竹裏彌猴拾  
虱夕陽中因思往事拋心力六七年來楚水東

又

塵埃中更有埃塵時復雙眉十爲顰賴有年光飛  
似箭是何心地亦稱人回賢參孝時時說蜂蠆狼  
貪日日新天意剛容此徒在不堪惆悵不堪陳

又



翠竇烟巖画不成桂香瀑沫雜芳馨撥霞埽雪和  
雲母掘石移松得茯苓好鳥傍花窺玉磬嫩苔和  
水没金鉸從他人說從他笑地覆天翻也只寧

又

騰騰兀兀步遲遲兆朕消磨只自知龍猛金膏雖  
未作孫登土窟且相宜薜蘿山帔偏能緝橡栗年  
糧亦且支已得真人好消息人間天上更無疑

又

嵐嫩風輕似碧紗雪樓金像隔烟霞葛苞玉粉生  
香瓏菌簇銀釘滿淨植舉世只知嗟逝水無人微  
解悟空花可憐擾擾塵埃裏雙髻如銀事似麻

又

千巖萬壑路傾欹杉檜濛濛獨掩扉斲藥童穿溪  
磳去採花蜂冒曉烟歸閑行放意尋流水靜坐支  
頤到落暉長憶南泉好言語如斯癡鈍者還稀

南泉

大師云學道之人癡鈍者難得

又

一庵冥目在穹冥菌枕松床蘚陣青乳鹿暗行檉  
徑雪瀑泉微濺石樓經閑行不覺過天井長嘯深  
能動岳靈應恐無人知此意非凡非聖獨醒醒

又

慵刻芙蓉傳永漏休誇麗藻鄙湯休且爲小園盛  
紅粟別有珍禽勝白鷗拾粟遠尋深澗底弄猿多  
在小峰頭不能更出塵中也百煉剛爲繞指柔

又

業薪心火日燒煎浪死虛生自古然陸氏稱龍終  
妄矣漢家得鹿更空焉白衣居士深深說青眼胡  
僧遠遠傳剛地無人知此意不堪惆悵落花前

又

露滴紅蘭玉滿畦閑拖象屣到峰西但令心似蓮  
花潔何必身將槁木齊古壑細香紅樹老半峰殘  
雪白猿啼雖然不是桃花洞春至桃花亦滿蹊

又

自休自已自安排常願居山事偶諧僧採樹衣臨

絕壑

金華山出樹衣僧多採爲蔬菜味極美也

狃爭山果落空階閑擔

茶器緣青障靜衲禪袍坐綠崖虛作新詩反招隱  
出來多與此心乖

又

石鑪金鼎紅蕖嫩香閣茶棚綠巘齊塢燒崩騰奔  
澗鼠岩花狼籍鬪山雞蒙莊環外知音少阮籍途

窮旨趣低應有世人來覓我水重山疊幾層迷

又

自古浮華能幾幾逝波終日去滔滔漢王廢苑生  
秋草吳主荒宮入夜濤滿屋黃金機不息一頭白  
髮氣猶高豈知知足金仙子霞外天香滿毳袍

又

如愚何止直如弦只合深藏碧嶂前但見山中常  
有雪不知世上是何年野人愛向庵前笑赤獮頻

來袖畔眠只有逍遙好知己何須更問洞中天

又

支公放鶴情相似范泰論交趣不同有念盡爲煩惱相無私方稱水晶宮香焚簷蔔諸峰曉珠拍金剛萬境空若買山資言不及恒河沙劫用無窮

七言絕句

再逢虛中道士三首

天目西峰古壞壇壇邊相別雪漫漫如今四十餘

年也還共當時恰一般

又

囊裏靈龜小似錢道伊年與我同年壺中長挈天相逐何處昇天更有天

又

吾道將君道且殊君鬚全似老君鬚尋常有語爭堪信愛說蟠桃似甕麤

禪月集卷二十三

終

海虞毛晉訂



國家圖書館, NATIONAL CENTRAL LIBRARY, TAIWAN, R.O.C.

禪月集卷二十四

七言律詩一十六首 七言絕句詩十三首

上盧使君二首

一領彤弓下赤墀惟將清淨作藩籬馬卿山岳金  
相似張緒風情柳不如不如當作怨卑心染烟霞新句出  
筆驅奸蠹宿根隳鄱陽黎庶還堪羨頭有重天足  
有麓

又

司馬遷文亞聖人三頭九陌碾香塵盡傳棣萼麟  
兼鳳終作昌朝甫與申樓聳嬌歌疎雨過風含和  
氣滿城春因知寰海昇平去又見高宗夢裏人

陪馮使君遊六首

登干霄亭

擁翠捫蘿山屐輕飄颻紅旆在青冥仙科朱紱言  
非貴溪鳥林泉癖愛聽古桂林邊碁局濕白雲堆  
裏茗烟青固思廬岳彌天客手把金書倚石屏

遊靈泉院

珂珮喧喧滿路岐亂泉聲裏扣禪扉對花語合希  
夷境坐石苔黏黼黻衣鳥啄古杉雲冉冉風吹清  
磬露霏霏惠巖亦有孤峰在只戀繡經未得歸

過相思嶺

譽自馨香道自怡相思嶺上却無機荒渠葉覆深  
霞在片石人吟一鳥飛何處風砧傳古曲誰家塚  
樹掛斜暉因思往事真堪笑鶴背漁竿未是歸

錦沙墩

臨水登山興自奇錦沙墩上最多時雖云髮白孤  
峰好其奈名清聖主知草媚蓮塘資逸步雲生松  
壑有新詩條然別是神仙趣豈羨東山妓樂隨

釣罾潭

境靜江清無事時紅旌画鷁動漁磯心期只是行  
春去日暮還應待鶴歸風破綺霞山寺出人歌白  
雪島花飛自憐亦在僊舟上玉浪翻翻濺草衣

迎仙閣

澗香霞影遶樓臺捲箔凭闌耳目開況從旌旗近  
鸞鳳可憐談笑出塵埃火雲不入長松徑露茗何  
須白玉杯誰道迎仙仙不至今朝還有謝公來

賀雨上王使君二首

一片丹心合萬靈應時甘雨帶龍腥驅塵煞燒連  
窮口口電衝霓滿窗冥處處已知倉廩溢家家皆  
歇管絃聽應須蚤勒南山石王霸清風滿內庭



又

由來天贊德唯馨朋禱心期事盡行玄妙久聞談  
佛母公久與東村大願和尚談般若般若者佛母也感通今日見神明破  
除秋熱飄蕭盡還似春時散漫傾他日爲霖亦如  
此諸生無不沐經營

感懷寄盧給事二首

絲絲遠念近來多喜鵲隨函到綠蘿雖匪二賢曾  
入洛忽驚六義減沉疴童扳鄰杏墮牆瓦燕啄花

泥落砌莎好更因人寄消息沃州歸去已蹉跎

又

常憶團圓繡像前東歸經亂獨生全孤峰已住六  
七處萬事無成三十年每想苑牆危逼路更思鉢  
塔曉凌烟如今憔悴荆枝盡一諷來書一愴然

賀鄭使君

三衢蜂蠶陷城池八詠龍韜整武貔纔論危亡書  
半幅便思父母淚雙垂時公檄書纔去卽便歸降來款云思父母則血淚雙

垂憶兄弟乃  
江山隔越

戈收甲束投仁境汗浹魂消拜虎旗  
死地再生知德重精兵連譟覺山移人和美叶禎  
祥出陣善深爲典教推仗信輸誠方始是執俘折  
誠欲何爲清威嚴令無纖盭長路深山不拾遺七  
邑恩波歌浩渺一方雲物自鮮奇天文仰視同諸  
掌劔術無前更數誰戰馬閑眠汀草遠秋輦乾揭  
岳霞隳義爲土地精靈伏仁作金湯鐵石卑龔遂  
劉寬同煦嫗張飛關羽太驅馳笙歌席上偏怜客

刀劔林中亦念詩穀渚美爲長飲水金山高作受  
降碑時猶草草秋方盡陳是堂堂孰敢窺寵渥豈  
唯分節鉞勳庸須勒上鍾彝神資天贊誰堪比名  
遂功成自不知捲箔倚闌雲欲雪擁鑪傾盞酒如  
飴扶堯社稷常憂老到郭汾陽亦未遲釋子沾恩  
無以報只將葑菲賀階墀

送鄭使君

刺婺廉閩動帝臺唯將清淨作梯媒綠沈槍卓妖

星落白玉壺澄苦霧開仁愛久懸溪上月恩光又  
發嶺頭梅天資劉邵龔黃筆神助韓彭衛霍才古  
驛劔江分掩映画旗花舫下喧豕鳳麟帟幕芙蓉  
折洞壑清威霹靂來禮樂封疆添禮樂塵埃時節  
勿塵埃荔支花下驅千騎簷葡林中禮萬迴時八  
安大  
師在四  
院也視事蠻奴磨玉硯邀賓海月射金盃謳歌  
合合千門樂輦角雄雄一閣雷君父恩深頭早白  
子孫榮襲日難陪東陽緇素如何好空向生祠祝

上台

贈陽公杜之舅

分盡君憂一不遺鳳書徵入萬民悲風雲終日如  
相逐雨露前程卽可知画舸還盛江革石秋山又  
看謝安碁談諧盡是經邦術頭角由來出世姿天  
地事須歸橐籥文章誰得到呆愚扣舷傍島清吟  
健問俗看漁晚泊遲霞影滿江搖枕簟舄行和月  
下漣漪周秦漢魏書書在麟鳳龜龍步步隨金殿

恩波將浩浩圭峰意緒謾孜孜郡中條令春常在  
境外謠謠美更竒道者藥鑪畱要妙林僧釋褐寄  
相思王楊盧駱真何者房杜蕭張更是誰應念衢  
民千萬戶家家皆置一生祠

遊金華山禪院

茲地曾棲菩薩僧旃檀樓殿瀑崩騰因知境勝終  
難到問着人來悉不曾斜谷暗藏千載雪薄嵐常  
翳一龕燈多慙不及當時海又下差峩一萬層

七言絕句

寄鄭道士二首

常憶蘇耽好羽儀信安山觀住多時不知玉質雙  
栖處兩箇仙人是阿誰

又

誰帶金輪髻裏珠何妨相逐去清都舊山大有關  
田地五色香茆有子無

送少年禪師二首

秀眉青目樹花衣一鉢隨緣智不知佛與輪王嫌  
不作世間剛有箇癡兒

又

萬水千世一鶴飛豈愁遊子暮何之古今此著無  
人會王積新輪更不疑

古劍池

秋水蓮花三四枝我來慷慨步遲遲不決浮雲斬  
邪佞真成龍去擬何爲

曹娥碑

高碑說爾孝應難彈指端思白浪間堪歎行人不  
迴首前山應是苧蘿山

比干傳

昏王亡國豈堪陳只見明誠不見身想得先生也  
知自欲將留與後來人

送人遊茆山

鳥啼花笑煖紛紛路入青霞白石門君到前頭好

看  
好  
老  
僧  
或  
恐  
是  
茆  
君

聞杜宇

咽  
雨  
哀  
風  
更  
不  
停  
春  
光  
於  
爾  
豈  
無  
情  
宜  
須  
喚  
得  
謝  
豹  
出  
方  
始  
年  
年  
無  
此  
聲

聽曉角

三  
會  
單  
于  
滿  
閣  
風  
五  
行  
無  
忒  
月  
朦  
朧  
如  
何  
十  
萬  
家  
休  
戚  
只  
在  
嗚  
嗚  
咽  
咽  
中

春送僧

蜀  
魄  
關  
關  
花  
雨  
深  
送  
師  
衝  
雨  
到  
江  
濤  
不  
能  
更  
折  
江  
頭  
柳  
自  
有  
青  
青  
松  
栢  
心

問漁人

風  
惡  
波  
狂  
身  
更  
閑  
滿  
頭  
霜  
雪  
背  
青  
山  
相  
逢  
略  
問  
家  
何  
在  
迴  
覩  
蘆  
花  
蒼  
莽  
間

律師

簷  
蔔  
花  
紅  
徑  
草  
青  
雪  
膚  
冰  
骨  
步  
輕  
輕  
今  
朝  
暫  
到  
焚  
香  
處  
只  
恐  
牀  
前  
有  
蟲  
聲

禪月集卷二十四

終

海虞毛晉訂



禪月集卷二十五

七言律詩一十二首

宿赤松山觀題道人水閣兼寄郡守

珠殿香輶倚翠稜寒樓吾道寄孫登豈應肘後終  
無分見說仙中亦有僧雲斂石泉飛險竇月明山  
鼠下枯藤還如華頂清談夜因有新詩寄鄭弘

春遊涼泉寺

一到涼泉未擬歸迸珠噴玉落階除幾多僧祇因



泉在無限松如潑墨爲雲澗含香啼鳥細茗甌擎  
乳落花遲青山看着不可上多病多慵爭奈伊

經吳宮

夫差昏暗霸圖傾千古淒涼地不靈妖艷恩餘宮  
露濁忠臣心苦海山青蕭條陵隴侵寒水彷彿樓  
臺出杳冥此是前車況非遠六朝何更不惺惺

送薛侍郎貶峽州司馬

得罪唯驚恩未酬夷陵山水稱閑遊人如八凱須

當國猿到三聲不用愁花落扁舟香冉冉草侵公  
署雨條條因人好寄新詩好不獨江東有沃州

將入匡山宿韓判官宅

一宿蘭堂接上才白雲歸去幾徘徊黛青峰朶孤  
吟後雪白猿兒必寄來簾卷茶烟縈墮葉月明棊  
子落深苔明朝江山空迴首始覺清風不可陪

送鄭侍郎騫赴闕

文章國器盡琅玕朝騎駸駸歲月殘彩筆祇宜天

上用繡衣偏稱雪中看休驚斷鴈離三楚漸入祥  
烟下七槃翰苑舊知憑與說紫金輪畔寄書難

上盧使君

一別旌旗已一年二林真子勸安禪常思雙戟華  
堂裏還似孤峰峭壁前步出林泉多吉夢帆侵分  
野入祥烟自怜酷似隨陽鴈霜打風飄到日邊

寄匡山大願和尚

一聽玄音下竹亭却思窗雪與囊螢祇將清淨酬

恩德敢信文章有性靈夢歷山床聞鶴語吟思海  
月上沙汀不堪迴首滄江上萬仞廬峰在杳冥

別盧使君歸東陽二首

雨氣濛濛草滿庭式微吟劇更誰聽詩逢匠化唯  
貪住日覺恩深不易銘心苦祇應消髻黑夢遊頻  
入倚天青從茲還似歸回首唯祝台星與福星

又

家在巖陵釣渚旁細縵嘉樹拂窗涼難醫林藪烟

霞癖又出芝蘭父母鄉孤帆好風千里煥深花黃  
鳥一聲長終期金鼎調羹日再近尼丘日月光

溪寺水閣間眺因寄宋使君

溪水蕭條一凭闌玉霜飛後浪花寒釣魚船上風  
煙暝古木林中砧杵乾至竟道心方始是空耽山  
色亦無端誰知太守分憂外時把西經盡日看

春送趙文觀送故合州坐主神櫬歸洛

喜繼于悲錦水東還鄉仙騎却尋嵩再燒良玉堯

雲動方報深恩絳帳空遠道靈輿春欲盡亂山羸  
馬恨無窮他年必立吾君側好把書紳答至公

先輩

桂人曹  
鄴郎中



國家圖書館, NATIONAL CENTRAL LIBRARY, TAIWAN, R.O.C.

補遺集

四

汲古閣

禪月集補遺

誓光大師草書歌

雪壓千峰橫枕上窮困雖多還激壯看師逸蹟兩  
相宜高適歌行李白詩海上驚驅山猛燒一作海上風驚

驅猛燒

吹斷狂烟著沙州江樓曾見落星石幾回試

發將軍砲別有寒雕掠絕壁提上玄猿更生力又  
見吳中磨角來舞槊盤刀初觸擊好文天子揮宸  
翰御製本多推玉案晨開水殿教題壁題罷紫衣

親寵錫僧家愛詩自拘束僧家愛畫亦局促唯師  
艸聖藝偏高一掬山泉心便足

苦寒行

北風北風職何嚴毒摧壯士心縮金烏足凍雲囂  
囂礙雪一片下不得聲遶枯桑根在沙塞黃河徹  
底頑直到海一氣搏束萬物無態唯有吾庭前杉  
松樹枝枝健在

題成都玉局觀孫位畫龍

位東越人僖宗南  
巡隨入蜀後改名

遇

我見蘇州崑山佛殿中金城柱上有二龍老僧相  
傳道是僧繇手尋常入海共龍鬪又聞蜀國玉局  
觀有孫遇蹟蟠屈身長八十尺遊人爭看不敢近  
頭覷寒泉萬丈碧

觀地獄圖

峨峨非劔閣有樹不堪攀佛手遮不得人心似等  
閒周王應未雪白起作何顏盡日空彈指茫茫塵

世間

贈雷卿張明府

任官征戰後度日寄閒身封卷還高客飛書問野  
人廢田教種穀生路遣尋薪若起柴桑與無先漉  
酒巾

獻錢尚父

貴逼人來不自由龍驤鳳翥勢難收滿堂花醉三  
千客一劔霜寒十四州鼓角揭天嘉氣冷風濤動

地海山秋東南永作金天柱誰羨當時萬戶侯

繡州張相公見訪

德符唐德瑞通天曾叱讒諛玉座前千襲彩衣宮  
錦薄數牀御札主恩偏出師暫放張良箸得罪惟  
撐范蠡船未報君恩終必報不妨金地禮青蓮

題某公宅

宅成天下借圖看始笑平生眼力慳地占百灣多  
是水樓無一面不當山荷深似入茗溪路石怪疑

行雁蕩間只恐中原方鼎沸天心未遣主人閒

海覺禪師山院

人言海覺老宗師隱絕層巔世莫知青艸不生行  
道跡白雲常護坐禪扉六環金錫飛來後一派銀  
河瀉落時借問大心能濟物龍門風電捲天池

悼張道古

昭宗時道古官拾遺  
以直諫貶蜀中死

清河逝水大恩恩東觀無人夫至公天上君恩三  
載隔鑑中鸞影一時空墳生苦霧蒼芒外門掩寒

雲寂寞中惆悵斯人又如此一聲蠻笛滿江風

月夕

霜月夜徘徊樓中羌笛催曉風吹不盡江上落殘  
梅

夜雨

夜雨山草溼爽籟雜枯木閑吟竺仙偈清絕過于  
玉

晚望



雁門集補遺 四  
落日碧江靜蓮唱清且閑更尋花發處借月過前灣

早霜寄蔡大

昨夜楚鍾鳴飛霜下楚城定知遷客鬢先向鑑中生

贈寫經僧楚雲

剔皮刺血誠何苦爲寫靈山九會文十指瀝乾終七軸後來求法更無君

摘句

今日再三難更識識辭唯道待錢來

鴈蕩經行雲漠漠龍湫宴坐雨濛濛

刻成箏柱鴈相挨

黃昏風雨黑如磐別我不知何處去

郭尚父休誇塞北裘中令莫說淮西

萬計交人買華軒保惜深

如何忠爲主至竟不封侯

但看千騎去知有幾人歸

朱門當大道風雨立多時

一生不蓄買田錢華屋何心亦偶然客至多逢僧  
在坐釣歸惟許鶴隨船

家爲買琴添舊價廚因養鶴減晨炊

粘粉爲題棲鳳竹帶香因洗落花泉

貫休集名不一卷次亦不倫計氏云西岳  
集十卷吳融爲之序蓋乾寧三年編于荆

門者也或又云南岳集謂曾隱跡南嶽也

馬氏云寶月詩一卷未知何據其弟子曇

域于僞蜀乾德五年編集前後歌詩文贊

題曰禪月集重爲之序諳吳序或以文害

辭或以辭害志或以誕飾饒借殊不解休

公意也宋人相傳凡三十卷余從江左名

家大索十年僅得二十五卷其文贊及獻

武肅王詩五章章八句俱不載不無遺珠

之憾今畧補一二于後又工書人號姜體  
以其俗姓姜也不知者指爲姜白石何異  
章艸緣章帝得名誤稱章氏艸書耶又善  
畫羅漢郭若虛云是休公入定觀羅漢真  
容後寫之故悉是梵相形骨古怪余曾三  
見卷軸或水墨或設色未知誰是強氏藥  
肆中物余家藏得一十六幀其中伏虎尊  
者偏袒倚杖凝然不動虎蹲座下如祥麟

馴驥又一幅寫侍者揭瓶傾水龍從瓶中  
騰起雲端尊者托鉢仰視龍湧雲徐徐而  
下絕無生擒活掣張拳瞋目之狀豈庸工  
俗師能著一筆至若布景陳器凡軍遲鍵  
銘震越摩羅俱蘇摩刺竭節佉陀尼憍奢  
耶之類種種竒妙絕非耳目間物圖畫見  
聞志云有真本在豫章西山雲堂院供養  
于今郡將迎請祈雨無不應驗其落款云

大蜀國龍樓待詔明因辨果功德大師翔  
麟殿引駕內供奉經律論道門選練教授  
三教玄逸大師守兩川僧錄大師食邑三  
千戶賜紫大沙門云虞山毛晉識

休公遍謁諸鎮帥每以詩句不合而去初  
謁荊州中令成汭汭問其筆法答曰此事  
須登壇而授豈可草草而言汭怒遞放黔  
中因爲病鶴詩云見說氣清邪不入不知

爾病自何來後避亂渚宮荆帥高氏優待  
之館于龍興寺感時政乃作酷吏詞以刺  
之復被黜鬱悒中題研子云低心蒙潤久  
入匣始身安弟子以爲匣者峽也相勸入  
蜀遂離荆門直趨井絡上蜀主王建陳情  
篇禮遇甚厚留居東禪院二年建龍華召  
令誦近詩時貴戚同座休公欲諷之作公  
子行貴倖皆不悅先是錢鏐自稱吳越國

王休公以詩投之有一劍霜寒十四州之  
語鏐令改作四十州乃可相見休曰州亦  
難添詩亦難改孤雲野鶴何天不可飛乃  
入豫章之西山後入蜀此事見釋氏通鑑  
唐詩紀事亦然惟高僧傳云獻詩甚愜王  
旨遺贈亦豐復考吳越備史暨錢氏功臣  
碑則知贊公之說謬矣晉又識

禪月集補遺

終

禪月集後序

門人慧光大師賜紫曇域述

有唐翰林學士兵部侍郎吳融請爲敘先師長謂  
吾門人曰吳公文藻瞻逸學海淵深或以揖讓周  
旋口待矣或以文害辭或以辭害志或以誕飾饒  
借則殊不解我意也子可於余所著之末仰重序  
之曇域乃稽顙而言曰語云子疾病子路欲使門  
人爲臣子曰欺天乎曇域小子何敢敘焉師曰子

不知皆孔子弟子記諸善言以成其書況吾常酷  
於茲心勦形瘵訪竒稽古慰以大道睠然皓首豈  
爲賈其聲耳且吾昔在吳越間靡所濟集聊欲係  
志於翰墨得以亂思不愍遺老矣子無辭焉但當  
吾意而言之然又不可以過之樂天長吉似之矣  
吾若與騷人同時卽知殊不相屈耳直言之無相  
辱也曇域遜讓不暇力而敘之

### 序

先師名貫休字德隱婺州蘭溪縣登高里人也俗  
姓姜氏家傳儒素代繼簪裾少小之時便歸覺路  
于安和寺請圓貞長老和尚爲師日念法華經一  
千字數月之內念畢茲經先師與鄰院童子法號  
處默偕年十餘歲同時發心念經每于精修之暇  
更相倡和漸至十五六歲詩名益著遠近皆聞年  
二十歲受具足戒後於洪州開元寺聽法華經不  
數年間親敷法座廣演斯文邇後兼講起信論可

謂三冬涉學百舍求師尋妙旨於未傳起微言于  
將絕于時江表士庶無不欽風年齒漸高屬天下  
喪亂時處默和尚謂師曰吾師抱不羈之才懷自  
然之道時不與我成無傷哉復爲先師曰分袂無  
血淚望處空闌干後隱南嶽口口不口先聃爲備  
者曰吾聞岷峨異境山水幽奇四海騷然一方無  
事遂乃過洞庭趨渚宮歷白帝旋聞大蜀開基創  
業奄有坤維歎曰不有君子寧能國乎遂達大國

進上先皇帝詩其略曰一瓶一鉢垂垂老萬水千  
山得得來高祖禮待膝之前席過秦主待道安之  
禮踰趙王迎圖澄之儀特修禪宇懇請住持尋賜  
師號曰禪月大師曲加存恤優異殊常十年以來  
迥承天眷無何壬申歲十二月召門人謂曰古人  
有言曰地爲床兮天爲蓋物何小兮物何大苟愜  
心兮自欣泰身與名兮何足賴吾之治世亦何久  
邪然吾啟手足曾無愧心汝等以吾平生事之以

禮月集 三  
儉可於王城外藉之以草覆之以紙而藏之慎勿  
動衆而厚葬焉言訖奄然而絕息遂具表聞天先  
帝蹙然久之乃命所司備一期葬事於時在城士  
庶無不悲傷曇域遂以先師遺言上奏請以薄葬  
之禮帝曰朕治命可行焉勅令四衆共助葬儀特  
豎靈塔敕謚白蓮之塔以癸酉年三月十七日於  
城都北門外十餘里置塔之所地號昇遷葬事旣  
周哀制斯畢暇日或勛賢見訪或朝客相尋或有

念先師一篇兩篇或記三句五句或未閑深旨或  
不曉根源衆請曇域編集前後所製歌詩文贊曰  
有見問不暇枝梧遂尋檢藁草及暗記憶者約一  
千首乃雕刻成部題號禪月集曇域雖承師訓藝  
學無聞曾奉告言輒直序事時大蜀乾德五年癸  
未歲十二月十五日序

時嘉熙四年五月十五日婺州蘭谿縣兜率  
禪寺住持賜紫禪悟大師可燦重刊



右禪月詩集吾里高僧貫休所作唐末生於里之  
登高幼而穎悟志慕空門祝髮受業于安和寺游  
江右歷湖南晚遇蜀主終焉詩不苟作頌詠諷刺  
根於理致法嗣曇域編萃成集雕刻以廣其傳安  
和今改兜率禪寺詩集闕焉無聞住山率它郡人  
或縛於禪寂而不肯爲或迫於營造而不暇爲或  
利于赴應而不克爲識者恨之鄱陽松庵燦禪師  
出于越趙福王之門王之孫國史左司宗卿守婺

時招致居焉恬澹無營得浮屠氏本體掛錫之初  
訪予山中故事首以是對師慨然任責尋求故帙  
得於里中檀越之家計工食費數萬而贏先捐鉢  
中所有不足則募衆緣鳩工鉸梓不日而成旣成  
求紀歲月竊謂越五季及我 宋多歷年所釋家  
者流豈無一二好事而不能使此詩與此山俱爲  
不朽今師乃度越前輩創出一段奇事以爲動心  
駭目之觀志可尚已是烏可以不書

嘉熙戊戌孟春朔旦龍溪周伯奮謹跋

大蜀國龍樓待詔明因辯果功德大師祥麟殿  
首座引駕內供奉講唱大師道門弟子仗選鍊  
校授文章應制大師兩街僧籙封司空太僕卿  
雲南八國鎮國大師左右街龍華道場對御講  
讚大師兼禪月大師食邑八千戶賜紫大沙門  
貫休

禪月真堂

無爲楊傑

童子依師蘭水濱聲名真是碧雲人定中傳得阿

羅漢十六身中第幾身

嚴韻上和

濟陽江衍

瓶鉢遠離澱水濱  
知心曾有幾多人  
無爲一見分明識  
指點堂頭是後身

見兜率寺舊功德載成一絕句

一去鄉閭八易年生還  
幸見舊因緣却嗟勝事今  
難作自善當時信力堅

番陽松菴璨上人來往吾鄉兜率有年矣予偶

到彼因言西岳集禪月貫休所作也先世嘗收  
於書室璨老有請謂其徒喜聞樂道而未得全  
集欲攻木廣其傳余嘉其用心勉成其志遂檢  
茲集與之仍薄助鋟版畢復請紀其事庶後有  
考於斯

嘉熙戊戌重九日孟湖童必明書

